

MULIMU HABIZEZI
MUTU KWA KATULO
KUSINA KU MU LEMUSA PILI



“...kubiza Mangeloi a likiti zelishumi,” kanti neba li liliñwi ne li ka sinya lifasi, “kono Na shwezi wena ni na.” Sani ki sika se si swana ni mayemo o Ni bata kuba ni liñusa laka la Sunda kakusasana, haiba Mulena alata, fa “Kreste nali sikamañi?” Mi cwale lu kulubela mwendi basizana babanyinyani ba neba ka lu opelela pina yani hape, la Sunda kakusasana. Muzwale Wheeler, Ni bata kubulela hande kuli u na ni basizana babande bababeli foo, ni mitinelo ya bona, mi habana mipende ni lika kaufela. Ba bonahala sina Bakreste ku na, mi ba opela sina cwalo ni kueza sina cwalo. Zeo ki zende luli.

² Na lumela, Ne ni bulelela musala ka zazi leliñwi, luna ni sikwata se si bonahala kukena sa basali kwanu. Na itumela ka zeo. Milili yabona yetelele ni lifateho ze kenile, mi batinile ka likute. Na—Na—Na ikumbutanga mina nako kaufela ha Ni—Ni taha. Se nili ku Meda, “Ni tabela ku ba beya mwa mukoloko kaufela nako yeñwi ni ku ba napula siswaniso kuli Ni kone ku bonisa likeleke zeñwi ka mo iinezi keleke ya luna kwanu.” Kuli ko lu bulelela lika ze, ba—ba utwela. Mi lu tabile. Si lu ezeza nto yeñwi. Lwa ziba kuli haluna—haluna ni likupo, haiba lipilu ha li lu nyazi, lu ziba kuli Mulimu wa lu utwa.

³ Kakusasana wo, mulikana ka, kwahule hule koo, ne ba mu hatile, ba mu kasheza kwa matuko mi mane—mane na sweli fela kuyetela, na hupula uka shwa mwa mizuba yelikani. Se ba liza, ne li bata kupazula. Na zwa mwa mumbeta, fafasi fani, mi na kala ku lapelela muuna muhulu yani mi na kona ka sishemo sa Mulimu ku swala moya wani, ki wo se ukuta. A to ba hande, ataha hape, mwa bona, wapila ni luna busihu bo mane, kwa kanya ya Mulimu. Yani ki Muzwale Dauch, wa myaha ye nainte wani ya kupepwa, twenti—twenti wani myaha kufitelela nako ya musipili wa bupilo bwa hae. Kono Mulena ki yomunde mi yatezi sishemo, kacwalo lu itumezi ka zona.

⁴ Cwale, Muzwale Neville, lu talimana yomuñwi ni yomuñwi mi Ni ziba kuli Nina ni fela zelikani. . . mwendi sebelezo iliñwi fela ya kuba mo, mi yani ikaba Lasunda. Mi ha Ni—Ni lati kunga mulisana waka, Ni lata fela ku mu utwa ha kutaza.

⁵ La Sunda busihu ha na kotalize, Na mi bulelela, Ne ni ile ni mulikana ka yo fa kwa sibaka se si lekisa lico, kuli ni itekele

liñende kasamulaho, Muzwale Evans ni Kezeli Evans, ni na katana Muswale ni Kezeli Sothmann kwani. Muzwale Sothmann ni babañwi kaufela ne ba sweli kulumba liñusa lelinde lani. Mi, Na mi bulelela, Ni pilile ka lona biki ye kaufela, mane. Mi zeñwi za litaba zani ne li ka mo nalukapwa na hupulela kuli uipatile. Cwale, yeo ki niti, ha i beya toho ya yona fa fasi, kono mubili wa yona kaufela u sa bonahala kwande. Kacwalo cwalo kona mo lu ezezanga linako zeñwi. Lu lika kupata toho ya luna kwa mulaho wa sika sesiñwi, kuna ni kamita. . .mwendi lu sa bonisa fela, mwa ziba. Wa bona siemba sa luna kaufela, mwa bona. Kacwalo luli lwa itumela ka zona.

⁶ Mi se Ni hupula, kulukile, Ni tabela kuambola kwa keleke mi Na hupula kuli, kihande, Ni—Ni. . .Muzwale Neville wa ambolanga ni mina ka nako kaufela, kona kuli ha Ni liteni kwanu mwendi ha ikatulusange. Ha ni lati kuba ka buipi, mi kusina kuba fa pizo, kamba sika sesiñwi, kuitulela kwa ndu mi keleke inge ikena kwanu. Ni—Ni nani. . .Ni bata kuba kwanu kakuli Na mi lata.

⁷ Na mibulelela, Na kaniti mane ni wa. . . Moya wa kwanu ha u lumelelani ni na, mi Na. . . mane ni sibaka se ha si lumelelani ni na mi Ni swala swala fela matuku a mwa moya wa kwanu. Moya wani u sa ni nata fela Ni kenela ki zeñata, se mwa mulaho wa sesiñwi, mwabona, mi hakuna so kona kueza ka sona. Mi Na. . . Mi ha lu ikutwangi hande, hakuna ni yomukana wa luna yaikutwanga hande, haiba lu kwanu. Luna. . .hakuna nihaiba alimuñwi wa luna yakile autwa hande kuzwa fo lubezi kwanu, kakuli se lutwaezi moya o cisa hahulu wani.

⁸ Kono, cwale, nto iliñwi ye ni bizezanga kwanu ki mina kaufela. Yeo ki niti, mina kaufela. Mwa ziba, muka fumana balikani babañata, Ni—Ni itumezi luli. Na sepa Na. . .haiba Ni kona fela kubala, ka butu, sicaba se Ni ziba, ikona kuba mwendi ma milioni mwa lifasi. Kuna ni ya na akalelize nako yeñwi, mi mane mwendi na ziba za na bulela, kuli palo ya batu ki teni milioni. Kono kuna ni sesiñwi ka—ka za lapa, ka batu babañwi: Kuna ni fela. . .Mañi ni mañi una ni zeo, kuna ni batu ba butokwa mwa bupilo bwa hao. Mwa ziba, Na lumela cwalo. Haiba ha kuna, kona kuli kiñi bafumhali ba luna habali ba butokwa kuluna? Mi kiñi—kiñi baluna. . .Mwabona? Luna lu. . . basali ba luna, baana baluna, ni zeñwi cwalo, ki—ki za butokwa. Mi muna ni zeo ka balikani. Kuna ni fela sesiñwi so tabela ku kopana ni bona ka sona ni ku ikambota ni bona. Kuna ni fela lika zeñwi.

⁹ Mi Ni nahana za lisa la kale le kwanu fo kuyemi keleke nyana ye, mi mane i si ka yema kale fa nekusina sika konji fela—fela simbotela sa mezi. Kona nzila yani ze i beezwi fani, kuli ibe bukaufi ni simbotela sani. Se luli kona sibiyana, mi nzila italimani ni munyako fani. Mi, kono neibanga simbotela. Mi Na hupula ha ni zwela kwande kwani ni kulika kufumana

sibaka sa kuyahela Mulena keleke, mi inge nili fela mushimani yomunyinyani.

¹⁰ Mi Ne ni telezanga ba, mutangana yo ni yomuñwi fa, ya na lapela fa nako nyana, ka maikuto a ciseho yani kaufela. Na hupula kuli, “Mwa ziba, Ne ni kona kulapelanga cwalo, kusina kubuyela mane, batili.” Mi ha u ya u supala, u kala kuba ya bunya cwalo, mwa ziba, ni zani. U sa zamaya, kono u “mwa mumatelo wa bubeli” sina mo ne Ni bulelezi Muzwale Wood kwani. Kono, mi haibile fela. . . Mi cwale kasamulaho nyana u taha mwatasi mwa mumatisezo o bunya kwateni, ha u fita fa sebente kamba eite, Na sepa. Kono, mwa ziba, haili. . . u sa zamaya, niteñi. Ibile fela wakona ku zamaya, ki shutano mañi ye liteñi? Fa nako nyana fela ya kufita kwani.

¹¹ Na hupula mo ne Ni lapelelanga, mi ona mwa bucwani bo, ona fa fo ku yemi katala ka cwale, mwendi mane kona fo ka tomile fa, kona fone Ni kumuzi lisina leliñwi fo Ni tomile katala cwale. Mulena Mulimu uni file sibaka se. Eeni, sha. Cwale, ona mwa licwe la lilulu lani kuna ni bupaki bwaka bwa pono kakusasana ha ne Ni li toma, mane ne Ni sa koni kunahana nako yani, ali, “Ye ha ki tabernakele ya hao, kono eza musebezi wa mubuleli,” A bulela. Na talima fande mi Na bona lifasi kaufela kwani, ni lihalimu la mubala wa bundilu, mi sicaba si zwelela kai ni kai; liteñi licwe mwa lilulu mwani. Kana Ne ni ka nahana cwani kuli zani ne li ka ezahala, nihaikenge pono ne i bulezi cwalo; kono ha i palelwi, ikabateñi ni hakuli cwalo.

¹² Ni bile mwa lipuzo zeñata sunda ye, kakuli, la Sunda, Pata ya Mulena ya sishemo ne i tulukile. Mi ne Ni lukela kufunduka la Mubulo.

¹³ Ni ezize. . . ha lu si ka pumulisa kale, banana. Pumulo yaka i ka taha kasamulaho, kasamulaho nyana. Kono Ni bata kunga bana ka nako nyana. Ba lukela kukuta kuli ba yo ya kwa sikolo cwale, mi kacwalo Ni hupuzi kuli sunda ye ikaba nako yende. Ni liba kwa Chicago sunda yetaha mwa mukopano wani kafani.

¹⁴ Kono cwale haili—haili tozo ya Moya, Na hupula kuli, “Cwale seli nako ya kuba ni lipuzo ni likalabo.” Ye kona nako ya kuli zee. . . ye Ni kona ku swaseha fa litaba zelikani kwani. Mi kuna ni. . . Ni bona batu babainzi mo bene bali mwa muzuzu. Ba ziba kuli Mulena na kopani ni luna kamba nee.

¹⁵ Nto yenca ya kuli. . . mañi ni mañi kwanda basali babañwi bao Billy ba na beile fapila, kalibe yomuñwi yazwa kwa Louisville, nana ni musizana yomunyinyani yanali kwanu, Ni sepa kuli ki ba siemba sa Church of God mwa Louisville, kamba nto yeñwi. Kono taba kaufela, yeñwi ni yeñwi ya zona ye ne tile, kale Ni si ka zwa kale kwa ndu Moya o Kenile wa ni bulelela ya kaba fa, se ne ba kupa. Mi Na ñola fa kaemba ka pampili ni kubulela fela sene ba ba ka buza ni lipuzo zabona mo ne ba ka li buzeza, ni mo ne li ka alabelwa. Mi se Ni ba bulelela, Ni

li “Ki ze fela zemuka . . . mutalime cwale, mizuzu nyana yefitile fa, seo Moya o Kenile . . .” Kutaha fa tafule ni kubulela kuli, “Mwabona? U ni bulelezi kale se u si ka taha kale.” Mwabona? Kono hane Ni li kwandu, ya na kaba kwani ni ze ne ka ezahala, mubonelo wa bona mo ne ukabela, ni zeñwi kaufela, Ni si ka funduka kale kwa lapa.

¹⁶ Na bonanga nako, linako zeñata, ha Ni taha mwa mukwakwa, inge ni lapela, Ni bona mukoloko wa tapelo wani ha u fita fapila ka ni kuziba libizo kaufela le li kaba mwa mukoloko wa tapelo, Ni si ka fita kale fa. Yeo ki niti. Mi mane neba kuziba fone bainezi mwa keleke ni mo ne ba . . . mone ba tinezi ni mo ne ba bonahalela. Ha ukoni kubulelela batu lika kaufela ze cwalo. Uka . . . Kuna ni lika ze ezahalanga zo sike fela wa ba bulelela. Ha ki swanelo ku ba bulelela. Ni bulelelanga fela batu lika ze Ni nahana kuli li ka ba tusa, foo Mulena ha ni hapeleza ku ba bulelela, kuli, “Bulela cwana.” Ha u koni kutabela ku bulela lika kaufela zo bona, kakuli zeo halikoni kuba hande, mwa bona, mina fela . . . eeni sha, mukena mwa butata ni lika zeñwi kaufela ze cwalo. U lukela kuziba mwa ku swalela lika zeo ka Moya wa Mulena.

¹⁷ Ni bile ni sicaba se si yema fapila ka ni ku buzaka lipuzo, ze Ni ziba handende, kono ha Ni ba buleleli, kakuli Ne ni utwa fela kuhapelezwa kuli ni si ke naeza cwalo. Mwa hupula, Na lumela, kana neli la Bulalu sunda yefelile busihu, hane Ni kutalize kaza, *Mutamwiwa?* Mwabona? Mwabona, u bata ku bulelela mutu yoo, kono Sesiñwi sili, “Usike wa eza cwalo.” Moya u li, “U si ke waeza cwalo. U si ke waeza cwalo.” Ibo mpo ilubukezi fateni hande, mwabona. “U si ke waeza. U si ke wa eza.” Mwabona, kona kuli kihande usike wa eza cwalo; konakuli u mwa butata ni Mulimu.

¹⁸ Cwale, ha lu tahi kwanu busihu bwa kacenu ku to yema fela mo. Lubata ku utwa Linzwi la Mulena. Mubile mulapela mi lubile ni nako yende, mi—mi Na . . . kamita ha Ni taha Ni ziba kuli Ni tisa kabuka nyana kaka ñozwi kakuli kuna ni . . . Fokuñwi Muzwale Neville ki yomunde hahulu u ni buzanga kuli, “Kana uka eza se,” kamba “kueza *sani*,” kamba “kubulela?” Mi Ni alunguta mo kufita Ni ifumana kapepa ka mufuta omuñwi mi kipeto lu ka kalisa foo. Mi Na ziba . . . Cwale, ibe hande la Sunda . . .

¹⁹ Cwale, Ha ni . . . Ha lu zibangi, ha lukoni kubulela. Mwa bona, Ni tile kwanu fa linako ni—ni tuto mwa munahano waka yene Ni ka bulela fateni, ni kufita kwanu ni ku i cinca kaufela. Mi Ni bile ni Mañolo a ñozwi, Ni li, “Ni ka itusisa palo ye, Ni ka itusisa Mañolo aa. Ha nze a shetumuka cwalo, Ni ka bulela *se, sani* kamba *sesiñwi*.” Ni ka ñola, inge fela kuli, Makorinte ba Pili 5:15, ni Makorinte ba Bubeli 7:1, ni Mateu 28:16, ni zeñwi cwalo, ku liñola fela sina cwalo, ka kushetumuka ona cwalo, ni kuñola Mañolo ao hande. Ni kutalima fafasi fani, Na ziba

sa bulela Mañolo kwani; linako zeñwi mane hakuna neba ku ngunyuta ku zona, ni kutaha ka nzila ye shutana, hamoho. Mi ha lu zibangi fela.

²⁰ Kacwalo cwale, haiba Mulena alata, Ni bata kubulela, ka kukwala lituto ze za lisebezezo kuzwa fo ne ni bezi kwanu, La Sunda kakusasana, fa nto yebutokwa luli. Kacwalo, cwale, mutahe ka kuitahanela, muitukise kuina ka kuliyeha nyana mwendi ka tu kiloko, kamba nto yecwalo. Kacwalo ki . . . Ni na ni mwendi Mañolo a mashumi amalalu kamba mashumi amane añozwi kale fa tuto ye, kono Ni nahana kuli ki . . . se Ni ka lika kueza, haiba Moya o Kenile uka ni tusa, ku to swala Liñusa ni sibaka ko I inzi cwale, mi ku Li yahela fo ne Li kalezi, ni ku Li yaha hape kutaha fa sibaka sa cwale.

²¹ Ili kuli ha ne Ni—Ni ya kwa Chicago, mi se Ni ya kwa Arizona, mi cwale, ni cwalo cwalo. Mi ikona kuba, kuya ka mo Ni zibela, ikona kuba isaho hape, mwendi ki mbumbu yetatama, Ni si ka kuta kale hape kwa tabernakele, konji haiba ki ka kufita nzila ye hape, kakuli Ni na ni mikopano.

²² Mi Billy, ona fa cwale, usweli kubeleka fa litaba za kwabuse bwa mawate bakeñisa musipili wa lifasi loote kukala ona fani kasumulaho wa Kilisimasi. Mi Ni memilwe kai ni kai kufitela ka kweli ya Ñulule, mi, kihande, mwendi sunda yapili ka kweli ya Ñulule, Dallas. Kacwalo he ka—ka kweli ya Sope lu bata kukala ka musipili wa kupotoloha lifasi, ka nzila yeo kaufela, ka kupetahala, mi lusweli kubeleka ka zona cwale, ku fumana fela ko Mulena a lu zamaisa. Mi—mi Ni—Ni itumela hahulu kwa . . . mane kwa sicaba, bakutazi, kuya ka mo Ni bulelela ka kulwanisa likopano za—za bona ni lika ze cwalo.

²³ Mwa ziba, mwa libuka ze beilwe kwa mulaho kwani cwale, Muzwale Roy Borders u ka tokomela limemo, mi kuzwa ka nako ya Kilisimasi, makalelo a mwaha, se kubile limemo ze wani sauzande mwahala lifasi. Uh-huh. Limelo ze wani sauzande se litile kwanu. Kacwalo Mulena u ka ni zamaisa fela ku iliñwi ya zona ko ni swanela kuya, ni sa kueza. Lu itingile fela ku Yena. Haukoni ku inga kaufela yona. Ha—ha ukoni ku amuhela ye eiti kamba ye lishumi kaufela mwa nako ya mbumbi haiba ukona kucwalo, mwa—mwa kutalelela . . . konji haiba uba ni busihu bulibuñwi kwanu ni busihu bulibuñwi kwani, mi zeo ki . . . ba kupa lisunda zepeli ni lisunda zetalu, ni zeñwi cwalo, kamba mo mu konela fela kuinela, kamba babañwi ba bona bali “kuya fela Mulena mwa ka etelela,” mi—mi ni zeñwi cwalo, kona kuli ha u zibi fela hande fa ku kalela kamba za kueza. Kacwalo lu li beya fela fapila Mulena, kuli, “Cwale, U lu bulelele, Ndate yakwa Lihalimu.” Mi mu ni tuse fela kulapelela fa taba ye, mwabona, mu ni lapelele kuli lunge ni ona wo.

²⁴ Mi Na hupula, kasumulaho wa kuba ni sebelezo ya foliso la Sunda yefelile, mi mwendi la Sunda le haiba lunga fela tuto ni

ku itisa hande ni kubonisa kuli—kuli ki nako maño yeo lu . . . yeo luli kuyona, ki—ki—ki—ki mulelo mañi—mañi wa mayemo amalalu a mulelo tuna wa Mulimu kuzwa kwa mutomo wa lifasi, ni kulitisa hande kutaha kacenu, mulelo wa maneku amalalu wa Mulimu, kona mulelo. Ni beleka fa kalulo ya bubeli ya ona cwale, ni sweli ku toloka Mañolo hande, ni ku a alunguta ni ku a tomahanya hande.

Cwale, halu boneñi, ha lu inamiseñi litho zaluna fa nako nyana.

²⁵ Mulena Jesu, Mulisana yomutuna wa mutapi mwa lingu, lu kopani mo busihu cwana ka Libizo la Hao, le litezi muhau ka kufitisisa. Lwa Ku lata, Mulena, mi lu itumela ku Wena ka mukopano wa litapelo wo busihu bo, kwa lipina za keleke sina ha lu li opezi ka tabo mwa lipilu zaluna, ni—ni ku ba utwa haba taha mwahali, ni kukambela mazoho. Mi cwale lwa wa ka mañwele a luna mi kaufela lwa sululela lipilu za luna ku Wena, ni ku itumela ku Wena ka So lu ezelize, ni—ni ku Ku kupa kuli uzwelepili kuzamaya ni luna.

²⁶ Mi cwale nako itile ya kubala Linzwi ni sika sa kubulela fateni, kwa sicaba. Lu etelele mwa mihupulo ya luna, Ndate, ni kuamuhela kanya. Ni kubulela nto yeñwi busihu boo, ka luna, ye ka tusa kaufela luna kuli luzwe kulo mo ni mulelo mwa lipilu zaluna wa kupila hande ni bukaufi ku Wena kufita mo lubezi sapili. Sani kona se lubezi mo, Mulena, luteñi mo ku to ziba zeñata za Hao. Mi lu lapela kuli U patulule Sibupeho sa Hao sesituna ku luna busihu boo mwa sinulo ya Linzwi la Hao, kuli lukone kuziba mwa kubela Mukreste yo—yo munde ni mwa kuezeza mwa mazazi a maungulo aa. Lwa kupa cwalo ka Libizo la Jesu. Amen.

²⁷ Cwale, meto aka atalimani ni tuto mo mwa Isaya, Isaya 38. Ha lu baleñi cwale mwa Isaya, Isaya 38.

Ka linako zeo Hezekiasi akula butuku bo bu batile ku mu nga. Cwale mupolofita Isaya mwana Amози ataha ku yena, mi ali ku yena, Sa bulela MULENA kisona, Lukisa za ndu ya hao: kakuli u ka tuha u shwa, ha u sana kupila.

Mi Hezekiasi afetuhela kwa kwa limota, ni kulapela ku MULENA.

Mi ali, U ni hupule, O MULENA, Na ku lapela, ka mo Ni zamaezi ka ku sepahala ni ka pilu yaka kaufela, na eza bunde mwa meto a hao. Mi Heze- . . . Hezekiasi alila hahulu.

Mi linzwi la MULENA ki ha litaha ku Isaya, lali,

Zamaya, mi ubulele Hezekiasi kuli, Sa bulela MULENA kisona, yena Mulimu wa ndataho Davida, Ni utwile tapelo ya hao, Ni boni mioko ya hao: bona, Ni ekeza kwa mazazi a hao myaha ye lishumi ka yeketalizoho.

28 Mi Mulena aekeze limbuyoti za Hae kwa palo ye. Ki tuto ye ipitezi luli kwa liñusa le likuswani fa, Na lumela. Ni bata ku ibiza kuli: *Mulimu Habizezi Mutu Kwa Katulo Kusina Ku Mu Lemusa Pili*. Mi luswanela—luswanela—luswanela ku luswanela ku—ku lemuha makalelo kamba mutomo wa taba yateni fa, mwa tuto ye busihu cwana, Mulimu u lemusanga mutu a si ka mu tisa kale kwa lifu la hae.

29 Cwale, mañi ni mañi una ni se. Lwa kona kubulela kuli, “Kihande, mutu *yo* u shwile kusina temuso.” Batili, batili, batili. Mulimu ali kuba. . . Ha u zibi sene sili mwa pilu ya mutu yani, ha u zibi se si ezahalile mwa bupilo bwa hae. Mwabona? Mulimu ha tisangi mutu ufi kaufela kwa lifu la hae kusina ku mu lemusa ka zona, ku mu bulelela, ki nto yeñwi, ki buitukiso. Mulimu u—u icemezi, mi U—U ngongota fa pilu ya mutu kaufela, ku mufa kolo ya kutaha. Cwale, wakona ku tokolomoha temusi ni ku I hana, mi—mi ni kunyunga toho ku Yona ni kuikela kusili, ali, “Ah, ki maikuto fela a lisheha, Ni ka itibala ka zona.” Kono, nihakuli cwalo, neli Mulimu, Mulimu yana ambola ni yena.

30 Mi Mulimu mane ha tisangi katulo fa lifasi kusina pili kufa sicaba temuso. Mulimu hakuna sa ezanga kusina ku bulela pili Sa ka eza. Mi U fa batu keto, mi wakona—wakona kueza zende kamba ze maswe. Sani ki sa Hae. . . Mwabona, Mulimu hakoni kucinca sibupeho sa Hae—Hae. Tukiso ya hae haikoni kucinca kuzwa ku sa Na kalile ka sona, kakuli Yena ha feli konakuli tukiso ya Hae ni milelo ya Hae kamukana li petehile. Kacwalo, haiba Na ka I cinca, seo ne si ka bonisa kuli U ekelize kwa lituto. Kacwalo, kakuba ya sa feli, Hakoni kuituta zeñwi hape. Keto ya—ya Hae yapili—ya Hae ya makalelo ki ye petehile kamita, mi hakuna se si kona ku I cinca. Mwabona?

31 Mulimu, mutu ha si ka taha kale. . . nana ni kolo ya kufosa, Mulimu na mu beile fa mayemo a kuli akone kuamuhela kamba kulatula, na ka amuhela kamba—kamba nee.

32 Kuli, ni bulele cwana, haiba mukutazi yani mwahali mo, Muzwale Baker, Na lumela nali mwa—mwa litaba za lipuzo ni likalabo zazi leliñwi, Nina ni lipuzo za hae za na ni ñolezi kuama peu ya noha. Nina ni zona libeilwe fa cwale. Haiba uteni mo, kupalañi, kihande. . . Hani muboni kai ni kai ka nako ya cwale. Kono liteni fa. Yena ni musala hae, muuna yomunde luli ni—ni musali, kono bona—bona ne ba sa utwisisi lika zeñwi ka za tuto ya peu ya noha, kuli mane—kuli. . . lipuzo zeñwi ka ze ne Ni bulezi, mi—mi ni likutazo ze fitelela fani, ni—ni kubulela ka za—za kuitwala ni zeñwi cwalo. Kono Na. . . kona kuli kuswana fela sina muzwale, muuna yomunde, wa Mukreste fela ka silimo kamba zepeli, kono fela ne ba si ka utwisisa, mwa bona.

33 Kutata ha u sa ezi. . . U lukela kuitinga fa Moya o Kenile kakuli Bibeleye iñozwi ka linguli. Hamukoni fela kuina fafasi ni ku I bala inge pampili ya mutende. I patilwe. Eeni, sha. Mukona

kubulela cwani fani Mulimu Ha bulelela Mushe kwani, kuli, “Cwale, u si ke wa ba ni maswaniso a kubasa,” mwa litaelo za Hae, “u si ke wa eza sika se si swana ni Lihalimu, kaufela sa—sa Lingeloi, kamba sika kaufela cwalo, usike wa basa sibupiwa sa mufuta kaufela,” mi ibo ka lizazi le liswana a mu bulelela kuli a bupe Mangeloi amabeli ka sipi ni ku a beya fa sipula sa sishemo, fo kuna ni sishemo? Mwabona? Mu lukela kuziba Mulimu ni Sibupeho sa Hae mu si ka utwisisa kale Linzwi la Hae. Yena—Yena—Yena ina ni sinotolo kwa Linzwi lani, Yena kasibili, mi Yena—Yena ki yena fela Anosi yakona—yakona kutokomela Zeo ni ku Li kwaluha, mi kacwalo ki Yena fela ya lukela ku Li patulula.

³⁴ Mi cwale, lu fumana kuli Sibupeho sa Hae nesili cwalo, fa, kuli kamita a lemusange mutu katulo isika fita kale, ku lemusa naha katulo isika fita kale, ni zeñwi cwalo. Yena kamita ufanga temuso ya Hae, kupuzo ya luna, ya buikalabelo. Luna ni musebezi, mi Mulimu u lu beile fa lifasi le ka libaka, mi libaka leo A lu beezi fa, luna ni buikalabelo ku Yena ka libaka lani. Mu lukela kuya ku Yena mi mufumane sa Bata kuli mueze. Mwabona? Haiba ha muezi . . .

³⁵ Haiba no ka belekela mutu, mi ukufa musebezi wa kutokomela limunanu, kamba nto yeñwi, mi uzwela fela fande kwa sishete ni ku yoina fela fani, ni kubulela kuli, “Kihande?” Mwabona, u lukela ku yo mubuza sa bata kuli ueze, mi kipeto ueze cwalo. Haiba u sebeleza mutu, fumana se sili musebezi wa hao.

³⁶ Mi cwale haiba bupilo bwa luna bu fa—fa lifasi fa, konakuli lu lukela kuya ku Yena Ya lu beile fa, mi, “Mulena, ki sikamañi So bata kuli ni eze? Kiñi—kiñi—kiñi se Ni lukela kueza? Kiñi ha Ni li fa?” Haiba ki kuba mufumahali mwa lapa, mutapisi wa mikeke, haiba lina ni kuba cwalo . . . Kaufela sa bata Mulimu kuli u eze, kona kuli u si eze ona seo luli ka bunde bwa zibo ya mo si ezezwa. Hakuna taba kamba ki nto yenyinyani cwani, hakuna taba kamba ki nto yenyinyani cwani, u lukela kueza cwalo.

³⁷ Mu li, “Kihande . . .” Butata bwatani, kikuli, mañi ni mañi wa luna ubata kueza musebezi wa mutu yomuñwi. Kauflea luna lubata ku nwise mbola, sina ha lu bulela, mwa bona.

³⁸ Sina taba ye mutalime fa, cwale, muzamao kaufela o likani mwahali mwani una ni sibaka sa ona. Cwale, siemba sa lona kaufela hasikoni kuba mazoho. Cwale, Ni talimela fela fa lizoho kubona kuli ki nako mañi. Kono haiba iliñwi ya ona mazoho ani mwani lizwa mwa nzila, kona kuli haina kubonisa nako yelukile.

³⁹ Mi cwalo kona mo kuinezi ni batu. Luna ni kaufela, ki Mubili wa Kreste, una ni kuba mwa sibaka sa ona, ka kutwano. Mwabona? Mi kipeto lwa kona kutalima kwa ni kwa ni kubona kuli ki nako mañi. Mwabona? Mi lifasi li ka talima kubona seo sili sona. Mwabona? Mwabona? Kono basweli ka ku bona. Mi

haiba u mulili fela o likani, kamba sibuba sakata, kamba kaufela so li sona, eza musebezi omunde luli o kona kueza.

⁴⁰ Cwale, kakuli, luna ni musebezi o lu lukela ku yo ikalabela ku Mulimu zazi leliñwi. Mutu kaufela ya taha mwa lifasi una ni ku yo ikalabela ku Mulimu ka musebezi. Mi, ku babañata ba luna, luna ni bukombwa, bo luna ni ku yo ikalabela kabona. Luna . . . Musebezi wo ki bukombwa bo bu filwe ku luna ka Mulimu, Hanina taba kamba ki sikamañi. Sina ha Ni bulezi nako nyana yefitile kuli, “musali wa mwa lapa,” konakuli akube musali ya sephala mwa lapa. Yeo ki niti. Haiba ki kuba mulimi, ube mulimi wa niti. Kaufela seo Mulimu abeile kuwena kuli u eze, una ni bukombwa ku sona, una ni ku yo ikalabela ku Mulimu ka sona, kakuli si lwala lika ze kaufela fa kueza cwalo.

⁴¹ Hezekiasi na bulezwi kuli aitukise mi aitukise kakuli nana ni ku katanyeza Mubupi wa hae. Cwale, Hezekiasi nali mulena, mi ni—ni muuna yomutuna. Kana mulemuhile kupo ya hae fa? “Mulena, Na Ku lapela kuli u ni talime. Ni—Ni zamaile fapila Hao ka pilu ye petehile.” Ha ki bupaki ni boo ku—ku—ku luna kacenu, mi buna ni kuba cwalo, ku mutu ya zamaya fapila Mulimu.

⁴² Nihaiha lifu ha ne li bulezwi ku mutu mi niteñi Mulimu a cinca muhupulo wa Hae ka yena, kakuli Hezekiasi na bata kueza nto yeñwi mi Mulimu naize Uka “lufa litakazo za lipilu zaluna.” Mi nako ya Hezekiasi ha ne itile, mi yena—yena aba ni butuku bwa kansa, kamba nto yeñwi fela, mi—mi ba si bi za kuli “sipute” mwa lizazi lani, kono luziba kuli lipute halikoni ku ku bulaya, za ifolelanga fela. Kono mwendi neli kansa, mi ne i kwaluhile kuba inge simboongola. Mi—mi Mulimu abulelela Isaya, ali, “Zamaya u yo mu bulelela kuli uka shwa.” Mi Hezekiasi na sa na ni sana bata kueza pili. Nana—nana ni . . .

⁴³ Ha u kupa sika ku Mulimu, ulukela kuba ni libaka ka sona. Kuswana fela sina Liñolo le Ni bulelanga hahulu fateni, “Ha u bulelela lilundu le kuli, ‘Shenya,’ mi musike mwa kakanya, kono mulumela kuli se mubulezi si ka ezahala, mwakona kuba ni se mu bulezi.” Cwale, zeo kaufela li zamaiswa fela ki muhupulo ni maikuto, mwabona, kusi cwalo halina kuezahala. Mwabona?

⁴⁴ Hamukoni fela kuzwela fande kwanu. . . Fani kona fo kuna ni mafosisa amañata hahulu, ha u zwela fande ni ku bulele kuli, “Cwale, Ni ka ku bonisa kuli Nina ni tumelo ya kueza se.” Cwale, wa fosa ka kukala. Mulimu ha kufi limpo kuli u bapale ni zona.

⁴⁵ Sina mo ne ni bulelela fa nako nyana, Ha ku bonisangi lipono ili kuli ubapale fela ni zina. Zeo ha ki za kubapala ni zona. Zani ki za butokwa. U itusise fela zona mwa . . . nzila yeo Mulena a ku lumeleza. U be mutamiwa ku Yena. Hakuna taba kamba ubata ku bulelela cwani mushimani yo kuli u fosize, ni se, sani, kamba sesiñwi, u ka ikuzeza fela kufitela Mulimu abulela cwalo. Mi cwale Mulimu ha bulela cwalo, kona kuli wakona kutaha ni sa

kuli SA BULELA MULENA KISONA! Haisi nako yeo, itibale fela ka zona.

⁴⁶ Li—li fasi kacenu liswana fela sina Hezekiasi mwa na bezi nako yani, li lemusizwe. Kamita la lemuswangwa. Keleke isweli ya lemuswa. Mi, cwale, lika ze ha li ezahalangi fela—ka sipundumukela. Lina ni sesiñwi mwa mulaho wa zona.

⁴⁷ Cwale, Hezekiasi, ka kuba yana kula, ana ni limboongola ze, ne si ka sipundumukela. Mulimu aluma Isaya kwani mi amu bulelela kuli alukise za ndu ya hae cwale kakuli na ka shwa. Mi Hezekiasi alila, ni kubulelela Mulimu kuli, “Ni zamaile fapila Hao ka pilu ye petehile mi Na—Na lapela U bukeleze bupilo bwaka ka libaka, ki libaka lelinde, libaka za Mulimu.”

Mulimu a bulelela mupolofita, kuli, “Kuta zamaya u yo mu bulelela.”

⁴⁸ Cwale kana ha ki nto yenca yeo? Hezekiasi nali muuna yomutuna hahulu mwa naha. Mwabona? Hezekiasi nali mulena, hape neli muuna wa bumulimu. Na li muuna sakata, haiba na ka ikupela seo fapila Muimu mi Mulimu asike a mu kalimela ka zona, “Ni zamaile fapila Hao ka pilu ye petehile,” cwale zeo li bulela hahulu zeñata. Mwabona?

⁴⁹ Mi Mulimu na si ka bulela kuli, “Batili, Hezekiasi, ha u si ka eza cwalo,” kono A itumelela kuli na ezize ona cwalo. Mi ki Hali, “Ni ka—Ni ka bandusa bupilo bwa hao fa nako nyana.” Mwabona? “Ni ka kufa kupo ya hao,” mwabona, kakuli nali fela mutu ya lukile, nabile—nabile mutanga wa niti ku Kreste.

⁵⁰ Mi cwale lu ikuitwa kuli luna ni tukelo ya ku kupa sika haiba—haiba mulelo wa luna u lukile, mi hape ni mubonelo waluna ku ona.

⁵¹ Cwale, lubona kacenu kuli ka lilimo zeñata zefitile, Ni ka bulela kuli ka lilimo zefitile ze lishumi ka zeketalizoho, kuisa kwa myaha yemiñata, kuli ka tundamo kubile temuso mwahala naha, “Mubake, kamba mwa shwa!”

⁵² Mu lemuhe, Ne ni sweli kuambola kacenu ku musala ka ka mapakela kakusasana cwana, mi Na... ka kupakela kwa mukushuko, ne luinzi fa tafule inge lu ambola Ni si ka funduka kale. Se nili, “Musala ka...” Na sweli kuambola ka za Billy Graham, ni ka musala hae, mo ba pilela fela ka bunolo ni lika kaufela. Se nili, “Yani ki mutanga wa niti ha lika ku sa... mi ha... mutu mwendi asaba fela ni tu kamba sili milioni mwa silimo mwa likundi za hae, kono yena a li amuhelangi, mutomo wa hae wa li lwala, ku libeya mwa musebezi ni fa papazo, ni zeñwi cwalo. Mi Billy u fumananga mwendi twenti-faifi sauzande ka mwaha.”

⁵³ Ki hali, “Kana ukona cwani ku itusisa twenti-faifi sauzande ka mwaha?”

54 Se nili, “Yena—yena u nganga fela zana ni kuba ni zona, ku felile. Una ni ndu ya lukela kulifela, ni lika zeñwi.” Na zwelapili, mi se Nili, “Nina ni likute lelituna ka Billy Graham,” Se nili, “kakuli una ni liñusa, mi liñusa leo ki kubaka.”

55 Mi cwale, Na mi bulelela, hakuna ye Ni ziba, yaliteni mwa naha kacenu, yo Mulimu aituisa ka liñusa lani sina Billy Graham. Oh, una ni lona fa ngandaleza, mi uyemi fela fani mi, Ni talusa kuli, u biza ona ba litaba za naha bani ni ma membala ba keleke kwa kubaka. Kono fo kona fa kona fela kufita.

56 Mi fa kutaha Muzwale Oral Roberts, mutanga yomuñwi yomutuna wa Mulena. Mi hakuna mutu ya tile kwande kwani ku to bapiswa ni Oral Roberts. Ona mata a kuhabula ani inge—inge ka ku leleka mioya yemaswe ni kubiza fa Libizo la Mulena ni—ni maikuto amanyinyani, ni zeñwi cwalo, ka za foliso ya Bumulimu. Yeo luli ki niti. Yani ki mulumiwa kwa Pentekota.

57 Yani ki yena mulumiwa kwa keleke ya lifasi la kopano, mwabona, ni lifasi le li bata.

58 Mi cwale mutalime mwa bulumiwa bwa luna bo bu ishuwile, ku yemi ze li “Jesu Krete yaswana maabani, kacenu, ni kuyakuile,” mwa bona. Ki sikamañi se si eza cwalo? Kubiza sikwata sa Munyaliwa sani, mwa bona. Mwabona? Mwabona, ki—ki pizo ya kwa likwata zepeli kaufela. Ki ku zwisa Liwili mwa liwili. Mwa bona se Ni talusa?

59 Mi kipeto Mulimu u paka liñusa la kutaza Billy Graham lani. Mulimu u folisa bakuli ka litapelo za Oral Roberts. Mi Mulimu utisa lika zeo Jesu. . . kubonisa kuli Jesu Krete ki ya swana maabani, kacenu, ni kuyakuile. Mi li biza lika zani kuli. . . Ki mañusa a hola. Mi ifi ni ifi ya mañusa ao i biza kuli, “Mubake, kamba mwa shwa!” Yeo ki niti. “Mubake, kamba mwa shwa!” Hakuna sepo, kaufela li icongile. Lifasi la lemuswa ka za Kutaha kwa Hae. Lifi ni lifi la mañusa ani la bulela ni kulemusa za Kutaha kwa Mulena Jesu, kwa keleke ya kopano hamoho. . .

60 Muhupule, Mulimu kamita u mwa bulalu. Sina Ndate, Mwana, ni Moya o Kenile; mi kuluka, ni kol-. . . ni kukeniswa, kolobezo ya Moya o Kenile; zeñwi cwalo; U mwa bulalu.

61 Cwale, Mulimu kona liñusa la kubaka lani kwa keleke yesina mayemo. Mulimu u mwa liñusa lani la foliso ya Bumulimu kwa keleke ya Pentekota. Mulimu u mwa Liñusa ku Munyaliwa. Mwabona? Kacwalo lu fumana kuli kaufela bona ba biza, alimuñwi ku *se*, se ku *sani*, ni *sani* ku *sani*. Mulimu ubiza keleke kuzwa mwa lifasi; la. . . kubiza keleke mwa keleke ya likopano kutaha mwa Pentekota; ni kubiza Munyaliwa kuzwa mwa Pentekota. Mwabona?

62 Sina Luther, Wesley, mi cwale. Mwabona, kaufela zona li swanisizwe hande mi hakuna mafosisa ka zona. Ni natile kwa libaka zaten kaufela, ni maneku azona, ni mwahali ni fande a zona, ni ku libonisa ka Mañolo, mundandwe wa zona, kufitela lu

ziba kuli ki Niti luli. Mwabona? Hakuna mafosisa. La sunda Ni sepa kuli Mulimu uka li nwelisa ka butungi hahulu kuli hauna ku kona kuzwa kwateni. Mwabona?

⁶³ Cwale, Mulimu ka kufa temuso, “Itukiseze katulo.” Mabomba a atomic asweli ku nyendaela, lika kaufela li mwa buitukiso. Mi Mulimu, Asika lumeleza kale nto ye kuezahala, Una ni kubiza nto yeñwi, sina mwa Na ezelize mwa Sodoma, “Amuzwe mwateni. Mu itukise. Kuna ni sesiñwi se si ka ezahala.”

⁶⁴ Sina mwa mazazi a Nuwe, fani Mulimu asika luma kale mezi kuli asinye lifasi mwa nako ya muunda omutuna wa lifasi lene li keni mwa sibi, sina Jesu ha na bulezi hande kuli neli lizazi le li swana fela ni lona lee. “Sina mo ne kuinezi mwa mazazi a Nuwe, kona mo ku ka bela ni ha taha Mwana mutu.” Kuli mane basali ba mwa lubilo, mi—mi ba nyalisa ni kukena mwa manyalo, mi—mi ni litaba zetuna za sayansi ze ba ipumanezi, ni kuituta ko ku cuukile ko ku ezahala mwa maneku a ba ngana, mi ni Mutapi nyana o bunolo o inzi kwa neku leliñwi o libelezi katulo ye ka tuha i suluha ni kusaba kumata. Mi Mulimu a si ka luma kale katulo yani, Na lumile mupolofita. Um-hum.

⁶⁵ Inge fela mwa Na ezelize ku Hezekiasi, Mi ali, “Amu i tukise, kakuli likatulo li lukela kuwa.”

⁶⁶ Mi a lukisa sicaba kuli si libelele ka nako yani. Nuwe a lukisa sicaba, mi neli pizo ya sishemo ku si kaba kale katulo.

⁶⁷ Nenive ne i ezizwe kuziba nako i sa liteni. Mulimu atalima fafasi fa Ninive, mi ki Hali, “Na—Na kula fela mi ni katezi ka lika zee.” Na—Na—Na utwisisa kuli—kuli ki . . . niha ne li lifasi lelituna, la bahedeni, la Bahedeni . . . Munzi wa bona, sina mo ne kuinezi mwa mazazi ani, ne ba ba atula ka munzi; cwale ki ka linaha, cwale seli kuya ka buñata bwa palo ye hasani ka mo i hasani. Ki hali, “Ona muleneñi tuna wani uka filwe, kaufela ona, kwa sibi.”

⁶⁸ Mi Mulimu, Asika luma kale katulo, A luma liñusa la temuso kuli, “Amuzwe ku ona! Amu zwe cwale!” Mutalime, mupolofita na si ka bulela sika kaufela kwanda—kono kuli abe . . . Ali, “Mwahala mazazi a mashumi amane muleneñi wo uka sinyiwa.”

⁶⁹ Mi, oh, kuli mane fokuñwi kutata kueza lika zecwale ka zeo, kwa sicaba. Haiba mupolofita ha lemuhi, uka kena mwa butata, kakuli uka sikuluhela kwa neku leliñwi, kulika ku li eza kuba leli bunolo, kamba ku keshebisa nyana fa ni fa ka kulikana fani. Kono mupolofita wa niti una ni mulao o zwa ku Mulimu, ha lukeli ku keshebisa sika kaufela, u swanela ku li beya hande ka swanelo.

⁷⁰ Kona libaka ha Na itusisize moya wa Elia hahulu, mwabona, kakuli moya wani no ezanga litaelo za Hae kamita. Mwa bona? Mwabona, ne litisize litaelo za Hae ona cwalo fela mone Li inezi,

mi kamita ki “Kukutela kwa Linzwi!” Mwabona? Kamita ki ku ba kutisa kwa Linzwi.

⁷¹ Cwale, lu fumana kuli Ninive u mwa sibi. Mi mupolofita na kata-kata kakuli neli lifasi la Bamacaba, mwabona, ne li naha ya Bamacaba, sicaba sa Bamacaba; isiñi beili ba hae, ne si Maheberu. Nebali Bamacaba. Sisepe se situna, likamba lelituna la lisepe mo ne ibezi Nenive, nekuna ni sibaka sesituna kwani sa bayambi, sicaba ne si yamba. Mi—mi neba—neba na ni. . . ne ba lukela kuba ni naha yetuna ya sibi kwani. Masheleñi amañata; mi—mi ko kuna ni masheleñi amañata, mi sicaba si mwa muhupulo o zibahala wa lizazi lateni, sibi kamita si mwateni, ni lipulao.

⁷² Mulimu na katezi ka zona. Kacwalo Nana ni mupolofita mwa naha, kacwalo A bulelela mupolofita wa Hae kuli, “Zamaya kwa Ninive mi u yo taba mukosi, mi uli, ‘Mwahala mazazi a mashumi amane munzi uka sinyiwa.’”

⁷³ Cwale, Jonasi na hupula kuli cwale, “Mwa ziba, Na kona kukena mwa butata nyana.” Kacwalo na bata kuba ya ikolwisisa hahulu, kacwalo a hupula kuli uka shimba pumulo nyana ni—ni kuya kwa Tareshishi. Mi lu fumani kuli. . . nekuna ni fela mazazi a mashumi amane kihona ana siyezi. Mwabona?

⁷⁴ Kacwalo Liñusa ki la puitako, nako ifa kaufi. Musike mwa bapala ni lika zeñwi ni kuba ni Bachelor ya Art ya digiri ni kufumana nto isili. Nako i sutelezi! Bwani kona butata bobuli ni batu kacenu, lu lika kuyaha likolo zetuna ni kuba ni lika zetuna ze cwalo. Mi sishemo. . . Mawi! Haiba lu kutaza Kutaha kwa Mulena, ki sikamañi se lutokwa ni likolo? Lu tokwa kubaka ku Mulimu! Mwabona?

⁷⁵ Sina Hudson Taylor hana ine ku mubuleli yomunyinyani, yana ize. . . Kamba, mushimani wa mu Chinese yana tile ku yena, ki hali, “Bo. Taylor,” ali, “Mulena Jesu u ni talize ka Moya wa Hae.” Ali, “Ni—Ni tabile hahulu!” Ali, “Kikuli Ni ikungele digiri ya ka ka lilimo ze mashumi ni zeñwi cwalo?”

⁷⁶ Ki hali, “Mwana, usike wa libelela ma digiri. Haiba kandela i tukile, zamaya u yo Li bulela! Zamaya u yo Li bulela. U si ke wa libelela madigiri. Batili. U ka cisiwa licika u si ka feza kale, ni zigiri ya hao.”

⁷⁷ Halu, ha se i tukile, haiba hakuna zo ziba, bulela fela mo i kile ya tukela. Mi fela—fela usike wa lika kunga sibaka sa mutu, kamba nto yeñwi. Ha u ziba lika, bulela fela zo ziba kuba za Niti, “Cwana kona mo ne I tahezi ku na, mi cwana kona mo ne Ni utwezi ka Yona.” Zeo. . . Haiba ha u zibi zeñata zateñi, bulela cwalo! Ha lu ye! Liñusa ki la putako, nako i fa kaufi.

⁷⁸ Cwale, kucwani haiba Isaya naize, “Kihande, cwale Ni ka libelela ni bone mwa ka tundanela ni si mboongola sa hae, pili, mwa bona. Mwabona mo—mo li. . .”?

⁷⁹ Mwabona, Mulimu na mu bulelezi kuli, “Zamaya kwani mi u yo mubulelela, ona fa cwale!” Mwabona?

Mi A bulelela Jonasi kuli aye. Oh, mawi!

⁸⁰ Mi ha yo fita kwani mwa liwate lani ni mwa buliba bwani, mi—mi sisepe sa zwa mwa liñungwa, mi se ba tama ka mihala sisepe ni ku fetuha kwa ni kwa, ba komoka kuli neli butata mañi bo me buli mwa lifasi mwani. Kono ne ba si ka kona, ne kubonahala inge kuli sisepe sateni ne si sweli kukenya mezi. Mi—mi mutu ni mutu na sweli kubiza mulimu wa hae, mi nto yapili mwa ziba. . . Jonasi nali mwa pumulo ya hae, kacwalo na hupula kuli mwendi hakulata aitobalele fela, mi mwendi naile fela kwa mukunda wa mwatasi a sisepe, mi a yo lobala ni ku kambeka mahutu fahalimu aleliñwi, inza lobezi. Mi ki hali, “Zuha, Wena yabuzwa, mi ubize ku Mulimu wa hao!” Mi Jonasi a ziba sene si fosahalile.

Kacwalo mutu kaufela u ziba ze fosahalile kacenu! Mwabona?

⁸¹ Mi ki hali, “Kaufela ze ki mulatu waka. Ha mu ni nge mu ni tame kwa mazoho, ni ku ni nepela mwa liwate, mi kona bu ka fela butata boo.” Mi ne ba swana sina sicaba sa baana ba likute mi ne ba sa lati kueza cwalo, kono ba fumana kuli nali mupolofita mi na ziba za na bulelela. Ki hali, “Ne—Ne ni hupula kuli Ni ka ba ni pumulo yaka pili, kono—kono Mulena ha lati kuli ni be ni pumulo yee. Na likela kuliba kokuñwi, Ni na ni musebezi wa kueza. Ne ni hupula kuli Ni i katuluse hanyinyani Ni si ka ya kale, kono Ni swanela ku ya. Li—li liñusa ki la putako, Ni swanela kuya ona kwani.”

⁸² Ni nahana kuli, tapi yene lukisizwe yani ha ne i lo miza Jonasi mane a kena mwa mba ya yona, ha i yo mutaza sifateho ni kutaza mezi mwa sibaka sani kaufela, mi a funduka kwa Nenive kapili fela mwa na konela kuya. Mulimu na isa liñusa lani kulo kwani mwa tapi ye lukisizwe yani. Mi ki ha funduka kuliba Nenive kapili fela ni ka tata mwa na konela, kakuli na—na nani mulumiwa mwa sisepe mi a mu isa teñi kwani. Anga sisepe se si fosahalile, kono Mulimu na mu lukiselize kale sisepe.

⁸³ Kacwalo, mwa ziba, Mulimu wakona kueza lika zetuna haiba lu ka Mu teezeza fela. Mwabona? Uka—Uka eza—Uka eza linzila fo kusina nzila. Yena *ki* yena Nzila. Mwabona? Mi cwale Liñusa ha li li la putako, sina mo Li inezi kacenu, Mulimu u ka lukisa nzila.

⁸⁴ Lu lemuha hape fani Amosi. . . Ne ni kotalize ka za mutu yo, Amosi. Haiba mutabela kubala likande le nako yeñwi, ki lelinde, mubale likande la Amosi, kauhanyo yapili ya Amosi. Ki mufuta omuñwi wa—wa litemuso katulo isika fita kale fa sibi. Cwale, munzi wa na ka lemusa, kulo kwani, neli sikwata sa Majuda sene—sene si zwile si li mwa mukwa o natilwe cwalo mi ne si sibaka sa bo sibuhabuhi sesituna. Mi—mi Na nahana, sina ha

Ne ni file taluso kakusasana wani, kubulelaka yena, kuli, toho ya hae ya sitenda ha ne itaha fahalimwa lilundu ni meto a hae a bucembele aba busisani hana talima fafasi ni kubona sibi sa naha tuna yani ni sicaba, mulelo wa hae o musweu wa limbi inza sweli minwana ku ona cwalo. Mawi, ha ki taba ni yeo! Kono hakuna mutu ya ziba kwa na zwelela.

⁸⁵ Hakuna ya ziba bapolofita bani, ba tahanga fela kuzwa kokuñwi ni kuya ka nzila yeswana.

⁸⁶ Kono naile mwa munzi ni sa kuli “SA BULELA MULENA KISONA! Mubake, kamba mwa shwa! Kakuli Mulimu uka sinya naha ye. Uka—Uka takula sibaka se kuzwa mwa lifasi. Mu ezize tumelanelano ni sila sa mina. Mi muna—muna ni kozo, mo mu nahanela, ni sila sa mina, kono nako kaufela ma Asiria basweli—basweli kuyaha kulo kwani. Hamukoni kuzamaya bababeli hamoho haiba ha mu utwani. Ku felile.” Kacwalo ki hali. . .

⁸⁷ Mi Mulimu ubata kuli lu kauhane kwateni. Ubata kuli “luzwe mwa lifasi,” isiñi kulika kupila ni lifasi ni Mulimu hape, isiñi kulika ku likanyisa lifasi ni kulikanyisa Mulimu. U swanela kupilela Alimuñwi kamba yomuñwi, u swanela kulumela Alimuñwi kamba yomuñwi.

⁸⁸ Mi cwale lu fumana cwana kuli, Amosi yo, na bulezi hande ka za katulo fa sicaba se haiba ne ba sike kubaka. (Mi—mi, mawi, ki—ki nto yeswanela hande mwa lizazi laluna.) Ni sepa kuli munzi tuna wo, ka kotalima ku se hape, munzi omutuna kulo kwani, ka mo ne li fezwi kaufela, mane—mane ni sifumu tuna se ne ba nani ni lika kaufela, ne ba fuma. Mi ba hupula kuli nebali fela mwa tato ya Mulena, kakuli ne ba fumile. Kono ba fumana kuli Mulimu kamita ha kiyena mukalisi wa sifumu. Batili, Mulimu. . . Linako zeñwi, bufumu ha bu ata, keleke kamita ya ikambusanga ku Yena.

⁸⁹ Mwa ziba, Mulimu na bulezi ka Isilaele nako yeñwi, kuli, “Ne ni ku fumani utampakani mwa mali mwa simu, mi Na ku tapisa ni kuku tisa mwahali,” kuli ube mwana Hae Tota. “Mi cwale ha u so hulile, ni kuba musali yomunde, wa pila ka mukwa wa lihule.” Mi hali, “Wena—wena—wena wa i ponahaza fela ku mutu kaufela ya na ifitela.” Mwabona? “Kono ha no li mubotana mi ya tokwile, mi—mi no tokwile, wa Ni sebeleza. Kono hane Ni ku fuyozi ni kukufa zeñata, wa ya kuzwa ku Na.” Mi li pakilwe fela ona cwalo. Oh, mawi!

⁹⁰ Cwale, lu fumana kuli mupolofita yo na natile fa naha yani, yena Amosi yoo. Nali fela mushimani ya caela likomu kwa sikekele. Kono lu fumana kuli ha na ezize cwalo, anata fafasi ni ku ba bulelela sene si ka ezahala, ni ku ba bulelela haiba ne basike ba ba ka kuluka ni Mulimu kuli sika se ne baile ni sona ne si kaba sona se ne si ka ba sinya.

⁹¹ Cwale lu fumana kuli America yaluna ya muikuhumuso haiba ku shemubiwa kwa buhali bwa Mulimu. Sina hane Ni

bulezi zazi leliñwi kuzwa fo Ni bezi kwanu, Na sepa neli kwanu, kwa lika kaufela za kwa mafelelezo. Mwa ziba, Ha—Ha ni boni fa kuyaha. Haukoni kuyaha fa litaba za naha, li icongile. Ha—ha ukoni kuyaha fa bupilo bwa silikani, kakuli bu wile ka mayemo. Hakuna—hakuna—hakuna fo mukona kuyaha foo. Mi haukoni kubeya sepo fo kusina.

“Kucwani he ka keleke?”

⁹² Kihande, hakuna se mukona kueza ni keleke, ki lika za sihalihali fela mi liicongile, hakusana ze siyezi. Ba lekisize kale tukelo ya kupepwa kwa bona bakeñisa busafa bwa palica, mi basweli fela kulibelela katulo. Moya o Kenile u silile naha ye, kubonisa lisupo za Hae ni ze komokisa, mi ba hatikela muhau wa Hae ka nako kaufela. Yena a i ponahaza ili Yena ni kupakiwa, ka bupaki bwa Hae bobutuna, kuli ki Yena Linzwi la Mulimu le li bonahalile mwa lizazi le. Mi ba sa Li hana. Mwabona? Hakuna ze siyezi cwale. Haukoni fela kuezanga cwalo ku Mulimu. Mwabona?

⁹³ Ku lukile, lu fumana kuli, sa pili, U luma bapolofita ba Hae ka temuso. Ha cincini nzila ya Hae, mukwa wa Hae wa kueza lika.

⁹⁴ Ha natangi kamita Ha fa temuso. Ni bata kuli mutokomele taba ye. Mulimu u fanga temuso kono Na natangi ka nako yeswana kamita ha Sa fa fela temuso. Kikuli mulemuhile cwalo? Mi cwale Ha sa nati ka nako Ya luma temuso, kona kuli mupolofita wa keshebiswa, “No si na Zona. U bulezi buhata. U—u bulezi ka mafosisa.”

⁹⁵ Kuli, taba yeswana yeo ne i bulezwi ku—ku Isaya. Ki sikamañi se mu nahana kuli muuna yani na hupula fani ha naile kwani ku yo polofita kuli mulena “uka shwa,” mi ni kukuta hape ku to bulela kuli, “Batili, u ka pila”?

⁹⁶ Ku cwani ka za Jonasi yana zamaya mwa mikwakwa, kuli, “Oh, muleneñi wo uka sinyiwa mwahala mazazi amañata hahulu, mazazi a mashumi amane,” mi kipeto Mulimu na si ka eza cwalo?

⁹⁷ Mwabona, u na ni ku tokomela, Mulimu ha fangi katulo nako Ya fa temuso. Kono Yena . . . Kuna ni nto iliñwi, kipeto mupolofita wa somiwa. Kono haiba ki mupolofita ya pakilwe ni Linzwi la Mulena, mwabona, lisupo za Mulimu, ze pakilwe, sina Mulimu ha na bulezi kuli mupolofita uka pakiwa (ili zeo muuna yani nali zona), mwabona, Linzwi la hae ha ki la hae, kono ki la Mulimu, mi li ka ezahala. Lina ni kuezahala haiba Ki Linzwi la Mulimu. Kuna ni fela nto iliñwi yekona ku li tuhelisa, yeo ki kubaka kapili.

⁹⁸ Mulemuhe, Amosi, na—na pilile kuli abone sipolofita sa hae. Kono cwale Amosi hana bulezi za munzi wani, mo ne li ka ezahalela, ka mo Mulimu na kaezeza kuli ma Asiria batahe mwateni ni ku ba hapa, ni zeñwi cwalo zani, ni ka mo kusinyeha kwabona ne ku ba yundisa, kiñi, Ni lumela kuli haiba ki cwalo,

cwale, Ni talima fa Mañolo fa, mi haiba Ni balile taba ye hande, ki nako yelikana myaha ze mashumi aketalizoho kuzwa Amosi fa na polofitezi. Mi, cwale, mu nahana sikamañi? Lusika kaufela ne lu fitile sipolofita sa Amosi si si ka to ezahala kale. Kono haiba muka bala fa, ika mi bulelela, mi ne ku ezahalile ona cwalo fela linzwi ka linzwi mwa na bulezi. Mwabona?

⁹⁹ Joani na boni Buka ya Sinulo. Ne li si ka ezahala kale mwa lizazi la hae. Kono lwa libona ha li ezahala ona cwalo fela. Mwabona?

¹⁰⁰ Daniee na polofitile za lizazi lateni, ka lizazi la hae ni kutaha ona cwalo. Na si ka pila kuli alibone. Na ize, “Zamaya ikele, Daniele. Swaya buka—swaya buka, mi—mi kwahela buka. Mi uka lobala mwa buñata bwa hao, kono ka lizazi lani u ka yema.” Mwabona?

¹⁰¹ Cwale, mwa bona, ha ki...kuli kamita...Mulimu...wa natanga Ha sa polofita fela. Sipolofita sa Amosi, sina ha Ni bulezi, neli myaha ye mashumi aketalizoho hasumulaho, se li to ezahala. Kono ne li tilo ezahala!

¹⁰² Mi cwale mupolofita ki mu—mu...wa Bibele...Mupolofita wa luli ki mutu wa butokwa. Isiñi “wa butokwa,” kuba ya shutana ku mutu ufi kaufela, kono una ni musebezi o ipitezi. Mwabona? Mi, kakuba ni tumo yeipitezi, una ni kuba ya butokwa (mukwa nyana kuzwa ku babañwi) kuli aeze ze cwalo.

Kuswana fela sina Mulimu mwa swaniseza *bapolofita* ba Hae kwa “mbande.”

¹⁰³ Cwale, mbande ki nyunywani ye ipitezi. Yona ki nyunywani fela, kono ki nyunywani ye ipitezi. Mi yakona kufufa ka kulenda hahulu kufita linyunywani zeñwi. Yakona kubonela fahule kufita linyunywani zeñwi. Mi, cwale, fa kuli iye mwahalimu hahulu, ina ni kubupiwa cwalo kuli ikone kufufa ka kulenda. Mi ki bunde mañi boikona kuba ni bona ka kulenda cwalo haiba haikoni kubona se isweli kueza ha se ifitile mwahalimu mwani? Mwabona? Kacwalo ina ni kuba nyunywani ye bupilwe hande. Mwabona? Yona i mwa mufuta wa—mwa lubasi lwa sibungu, ina ni “mulomo o buhali.” Mi ya ca za...buñata bwa zona ki ze ziba kuselo. Kuna ni mifuta yekona kueza mashumi amane a limbande.

¹⁰⁴ Kono, mwa bona, mwa keleke kuna ni mulisana, mi mulisana yani ki mutu ya ipitezi. U bupilwe kuba ya kona—ya kona ku kuzisa likomano za sicaba. Yena—yena—yena ki mulwali wa milwalo, ki pulu ya sikwata. Yena—yena ki mutu yakona kuina fafasi haiba kuna...ni yana ni sesiñwi ni mutu, ni kuinisana fafasi ni mabasi amabeli ao (mi atokwe kuyema kwa neku leliñwi) kono uka ba tusa ni ku ba kutisa mwa buiketo. Mwabona? Ki—ki mulisana, wa ziba mwa ku babalelela lika.

¹⁰⁵ Mubuleli ki muuna ya ipitezi. Ki mutu ya tuka sika lubyu lwa mulilo. Ha ka matela mwa muleneñi ni kukutaza liñusa la hae,

mi u ka zwa mwateni ni kuliba kokuñwi. Mwabona, ki mutu wa butokwa.

¹⁰⁶ Muluti ki muuna ya ipitezi. U i nela kwa mulaho mwatasa tozo ya Moya mi wakona kunga Manzwi ni ku a beya hamoho ka Moya o Kenile, kuli, mulisana kamba mubuleli, allimuñwi fateni, hakoni ku bapanywa ku yena.

¹⁰⁷ Mi cwale, lu fumana kuli, muapositola ki muuna wa butokwa. Yena ki—ki “muboni wa sikuka ni mulao.” Ki muuna ya lumilwe ki Mulimu kuli abeye lika ka mulao.

¹⁰⁸ Mupolofita ki muuna ya ipitezi. Mupolofita ki muuna yo Linzwi la Mulena litaha ku yena, kakuli mupolofita u bupilwe ona cwalo (bupilo) kuli lizwalo la hae lwa mwahali ni lizwalo la pili liswalani hahulu hamoho kuli halukeli ku yo lobala fa kuli a loler litolo za hae, wa libona ha inza tona ona cwalo. Mwabona? Cwale, seo ki sika sa lukela kueza Mulimu. Mwabona, wa bona se si ezahala.

¹⁰⁹ Mupolofita ubona litaba ze sa li kwahule, mwabona, lika ze sa taha. U bona komoki ya buhali bwa Mulimu, yetezi, i si ka talelezwa kale. Wakona kubulela kuli, “SA BULELA MULENA KISONA! Mulimu uka sinya muleneñi woo kwanda kuli mubake.” Kiñi? Ki mbande. U pahama mwahalimu luli koo. Mwabona? Mi utalimela fahule ni kubona komoki ya buhali ha i suluha. Zeo kona za talimela mupolofita. Ha talimi ze ezahala fa, utalimela fahule! U bulela kuli, “Wa taha!” Wakona kuya mwahalimu hahulu kufitela akona kubona muluti wani. Na ize, “Lifasi li ka unsufala—lififi ni lififi lelituna.” Yena upahami hahulu, lizazi la benya cwale, kono u bona muluti wani ha u taha, mi yena—yena—yena ubulela za talimile. Ha li si ka fita kale fa, kono ki ze ka ba fa luli! Yeo ki niti. Li kabateni fa, lififi lelituna li ka kwahela sicaba. U ziba kuli za taha, myaha ye sa li kwahule koo, ibo wa i bona.

¹¹⁰ Amosi, mupolofita ya tozizwe wa Mulimu yani, na boni li—li lififi ni katulo. Na boni Syria ha itaha ni makoloi a yona ni ku to hapa mwani, ku ba bulaya kaufela. Na li boni ha litaha ni katulo ya Mulimu fahalimwa bona, cwale, myaha ye mashumi aketalizoho lisika ezahala kale. Kono, mwa bona, kakuba mupolofita, na nanuzwi mwa Moya mi a ibona ali fahule. Mwabona? Na boni sinwelo, se sitezi, si sika tala kale.

¹¹¹ Sina Abrahamama. Mulimu na bulelezi Abrahamama kuli, “Peu ya hao ika taha mwa naha ye mi ika yambaela ka myaha ye mianda yemine, mi kipeto Ni ka ba lamulela ka lizoho leli mata, kakuli bumaswe bwa ma Amori ha bu si ka talelezwa kale.” Mwabona? Mulimu na ziba kuli sinwelo sani ne si ka tala. Na ambola ni mupolofita wa Hae, A mu bulelela cwale kuli, “Wabona sinwelo sa ma Amori sani kulo kwani,” mwabona, “kono bumaswe bwa bona ha bu si ka talelezwa kale, Abrahamama. Usike wa bulela sika ka zona cwale, libelela pili, kono li ka taha. Mi cwale sinwelo sa

bona ha se si tala, ni yona myaha ye mianda yemine yani, Ni ka ba kasheza kwande sina nziye fapila mina, mi Ni ka atisa peu ya hao mwa naha ye.” Amen! Yani ki mupolofita wa Mulena.

¹¹² Cwale, ha bulela ka pono ya hae, kamba ki buhali kamba ki foliso, yakona ku liyeha, kono ina ni ku to ezahala haiba u i bulela ka Libizo la Mulena. Mwabona? Ikona kuba mbuyoti ya ku ambolela kwateni. Wakona ku ku bulelela nto yeñwi, mi ha ukoni ku ibona ni hanyinyani. U li, “Likona kuba cwani? Kiñi, ki. . . Ni—Ni—Ni. . . U ni bulelezi kuli, ‘SA BULELA MULENA KISONA, “Se si ka ezahala, ni *sani* ne si ka ezahala,” mi ha si si ka ezahala. Muuna yani u fosize!” Cwale uka atulwa ka ku sa lumela fela ka Zona, kono li ka ezahala ni hakuli cwalo! Mwabona? Lina ni ku ezahala!

¹¹³ “Ni ha li ka lyeha,” Bibebe iize, “ibo i ka bulela ka nako yatani.” Li ka to ezahala.

¹¹⁴ Mupolofita utalima fela fahule ni kubona nto yeñwi. U bulela za sweli kutalimela. Yena ha nahani za fa ni se mutalimezi cwale, u talima ku se si kaba teni. Mi haiba a bulela cwalo, haiba si mwa Linzwi la Mulena, si bulezwi kale mi hakuna sika mwa lifasi se si kona ku si paleliswa (mwa bona, yeo ki niti,) konji Mulimu fela Kasibili.

¹¹⁵ Mulemuhe, cwale lu fumana kuli ha. . . U—u bulela pono ya hae, mupolofita wa bulela. Cwale, fokuñwi ubulelanga lika zende, u bulela za foliso ya hao. Ku lukile, ukona kunahana kuli, “Zeo halikoni fela kuezahala, Hanina kuba hande.” Kona kuli seo si eza sikamañi? Seo sitisa fela likatulo za Mulimu ku wena. Yeo ki niti. Mwabona? Jesu na sepisize ku ku pilisa haiba u ka Li lumela; haiba ha u Li lumeli, halina—halina ku ezahala ku wena. U lukela ku I amuhela, una ni ku I lumela. Mwabona? Mi u lukela kuziba ko I zwelela, zeo lifa tumelo ya hao ku Mulimu, kamba mupolofita wa hao. Mwabona? U lukela ku I lumela.

¹¹⁶ Mi cwale lufumana cwana fa, kuli bapolofita ba be ne ba bulela, neba—neba bulela mi se ne ba bulela ne si na ni ku ezahala. Mi haiba buhali bwa Mulimu bu soluhezi fahalimwa sicaba, kuna ni fela nto iliñwi. . . Haiba mupolofita yani u bulela kuli sesiñwi ne si ka ezahala, kuna ni fela nto iliñwi ye ka hanisa lizoho la Mulimu, yeo ki kubaka. Koo ki kubaka ku Mulimu, ko ku tibelanga buhali bwa Hae. Cwale, musike libelela zeo, mu li eze ka nako yeo! Mulimu ha bulela sika kaufela, u ka si eze ona foo.

¹¹⁷ Hezekiasi, ona fani ha na zibile fela. . . Nali muuna yomunde, kono Mulimu naize, “Nako ya hao itile, Hezekiasi, mi Ni—Ni lukela ku kunga. Ni—Ni bata kuli, Ni ka ku lamulela. Beya ndu ya hao mwa sikuka.”

¹¹⁸ Mi ki—ki—ki hali, “Si ka ni tanda myaha ye lishumi ka yeketalizoho kueza cwalo, Mulena.” Mwabona? “Cwale, ki Wena. . . Na—Na—Na ziba kuli Ni ka ya, kono ikaba myaha ye

lishumi ka ye ketalizoho kuli ni lukise za ndu yaka. Hanikoni kueza zeo cwale. Ha—Ha ni na nako ya kueza cwalo. Ha—Ha—Ha koni fela kueza cwalo. Mulena, tuhela kuli ni pile myaha ye lishumi ka yeketalizoho kuli Ni kone kufeza taba ye. Hanikoni ku lukiza ndu yaka. . . ”

Mwabona, tumo ya Mulimu neli kuli, “Lukisa za ndu ya hao!”

¹¹⁹ Mi Hezekiasi ali, “Hani koni kueza cwalo silimo se, ku ka ningelaa nako. Ni kanga kutisa se, ni ku lukukisa se ni ku si kutiseza ku mutu yo fa, si ka ni lwala lilimo ze lishumi ka zeketalizoho kueza cwalo. Ni tuhele fela ni li eze. Tuhela kuli. . . ni tuhele. . . ni fe nako ya kueza cwalo.” Mwabona?

¹²⁰ Mi Mulimu ali, “Nika—Nika—Nika—Nika ba ni sishemo.” Kono nana ni kushwa kupale kumane, mwa bona.

¹²¹ Mi cwale hape, anga nako ya hae, a wa mwa tumelo ka nako yani. Mwabona? Mi na kaba—na kaba hande kambe naile kusina kuba ka mulao. Yani ki niti. Kono A mufa myaha ye lishumi ka yeketalizoho kuli abeye ndu ya hae ka mulao. Kakuli, kapili, ki sikamañi sa na ezize? Ki hali, “Mulena, Nina ni bunya. Ni tokwa myaha ye lishumi ka yeketalizoho ya kueza se. U ni lumile kuli ni beye ndu yaka hande. Hanikoni kueza ka lilimo ze lishumi ka zeketalizoho kakuli Ni na ni sikoloti sa masheleñi fa, mi Ni na se fa, mi Ni na ni se fa sa kueza.”

¹²² Cwale, nali muuna wa bumulimu, mi Linzwi la Mulimu lina ni kuezahala nihakulicwalo. Li ka ezahala ni hakulicwalo, kono Na inzi fela ni Lona fa nako nyana fela, mwabona, ku mu zwiseza ku Zona. Mi a eza sibi ka nako yani. Ki hali, “Hanina ni ku li tisa kuwena, kono Ni ka li potela fa bana ba bana ba mina.” Mwa ziba likande.

¹²³ Cwale, lu fumana kuli kubaka kapili fokuñwi kwa tibelanga buhali fa nako nyana.

¹²⁴ Cwale, lu fumana kuli Ninive. . . Mulimu ali, “Zamaya u yo taba mukosi mwa munzi mwani cwale, mi u ba bulelele, ‘Haiba. . . mwahala mazazi a mashumi amane taba yeo ika ezahala.’” Mi, mawi, kana ne ba bakile nji! Ba sa bona fela mupolofita yani ha taha mwa mukwakwa, inza bulela kuli, “SA BULELA MULENA KISONA, ‘Sibaka si ka wa mwahala mazazi a mashumi amane! Sibaka si ka wa!’” Ki. . .

¹²⁵ Neba mulena na laezi kuli kube—kube—kube kuitima lico mwa naha kaufela, sililo, “Kutina masaka, kuitambaka mufuse! Isiñi fa toho ya hao ni mubili ni fa nama ya hao, kono fa likomu za mina, fa limunanu za mina za lifasi, muitambake mufuse ni kuapala masaka.” Ha ki kubaka ni koo!

¹²⁶ Cwale, ha lu fumana zeo, lwa lemuha, haiba mupolofita ha talimi kapili, mwabona, aba ni ngana ya hae ni kuya ku Mulimu, u ka lemuha nto yeñwi mwateni, haiba ha u tokomeli. . .

127 Cwale mutalime Isaya, na bulezi fela sipolofita sa hae, aya kwa mulaho mwa loongo lwa hae mwa lihalaupa. Mi, hana ezize cwalo, Mulena na si ka bulela ku mulena yana lapela. Una ni nzila ya kueza lika ka yona. Nekuna ni mupolofita mwa naha. Linzwi la Mulena litahanga ku mupolofita wa Hae. A zwela kwande mi ali, “Isaya, kuta u yo mu bulelela kuli Ni utwile tapelo ya hae. Ni utwisisize kuli ki . . . u nahana kuli si ka mutanda myaha ye lishumi ka yeketalizoho kuli aeze cwalo. Ni boni mioko ya hae kakuli na bata kueza musebezi wani hahulu. Li ka mutanda myaha ye lishumi ka yeketalizoho, kona mwa bulelezi, kuli aeze cwalo. Zamaya u yo mu bulelela kuli Ni ka mu lumeleza kuba abe ni sona, kanti.” Mwabona?

128 Kiñi? Na lumile—Na lumile Isaya ku yo mu bulelela, “SA BULELA MULENA KISONA!” Mi haiba kuna ni cincho ku zeo, kamba kuliyeha liyeha . . . Si ka ezahala nihakuli cwalo; a—a shwa ka mukwa oswana. Kono ali . . . Haiba kuna ni sika kaufela ku zeo, kona kuli U tamehile kukutela ku mutu yo Na lumile kuli SA BULELA MULENA KISONA. Na bulelezi Isaya kuli, “Kuta kwani mi u yo mu bulelela.”

129 Cwale, Jonasi na ngile mubonelo o shutana, a pahama fahalimwa lilundu mi ali, “Kihande, ne ku kaba hande kambe ne Ni si ka pepwa.” Mi, oh, mwa na bulelezi! Mi Mulimu nana ni libonobono le ne li to mela ni ku mufa muluti o no mu batisize fani. Kono yena ali, “Cwale, fa, Ni ile kwani, mi ba ka bulela kuli Ni mupolofita wa buhata.”

130 Mi Mulimu a ambola ku yena, ali, “Akutalime munzi wani fafasi fani! Talima fani, Jonasi, kuli muleneñi kaufela usweli kubaka ka masaka ni kutola mufuse.”

131 Mi ki Ha mu bulelela ka za libonobono le linyinyani mi sibuku sa li ca kubolisa. Zazi leliñwi, haiba Mulena alata, Ni bata kutaha kwa Tabernakele ku to nga mukoloko ka za Jonasi fela. Oh, kuna ni zeñata hahulu . . . zeo moya wa kwa upa nosweli kufuka, ni zeñwi kaufela. Oh, mawi! Kuna ni lika zeñata hahulu mwani, fela ki kuli . . . za tabisa. Litaba zende zeo mwani, kaufela za swalisana hande, za zamaelela. Mane litisa Jesu Kreste mwateni, ni zeñwi kaufela hamoho. Kakuli, mubama kaufela mwa Bibebe utisa Jesu Kreste. Eeni, sha. Yeo kona tuto yaluna ya la Sunda, kona kuli lu ka fumana zeo, haiba Mulena alata.

132 Mi mulemuhe, kuna ni lika ze mu . . . Haiba mwa sepahala mi mubulela Mulimu . . . Cwale, muna ni ku tokomela.

133 Cwale Ni bata ku mi bonisa Jonasi yomuñwi mwa mayemo a busihu bo.

134 Busihu bobuñwi neku na ni sicaba sene si tile kwanu. Kalibe yani hakulata (babañwi ba sicaba sa bona) bateni mo busihu cwana, kacwalo Hanina kubulela libizo, mu ka mu ziba mutu wateni. Kono ba tahanga kwanu, ki sikwata sesinde sa

batu kuzwa kwa Kentucky, mi bona—bona batile kwanu seli lilimo limo. Kno sicaba, kakuba batu babande, ki balikani baka babande. Mawi, nebali—nebali balikani baka babande luli, kono bona . . . Ki mufuta fela wa batu ba mifuta yani fani ancafazo hane i ezahala neba kona kutaha kwa keleke; ancafazo ha ne i felile, mi mushimbou sa li o bukiti, hakuna yana kona kuhoha. Mi bana kaufela nebali kwanu fa pampili ya mabizo, neba na ni . . . hane lu banga ni likwata za luna ni zeñwi.

¹³⁵ Mi zazi leliñwi Na taha kwa ndu, mwendi myaha yemine yefitile, kamba ye ketalizoho, nto yeñwi ye cwalo. Mi musizana yo, (yanali wa myaha ye eiti ya kupepwa ha na li fa limati la mabuzo a banana), na sa nyezwi mi nana ni bana bababeli. Mi na lobezi mwa sipatela ona kwanu, bukaufi ni lifu. Nana ni likweli zene, zeketalizoho, ni mbututu; mi mbututu a shwa, mi ne ba si ka mu pazula kakuli na katazwa ki mezi amañata a masila mwa mushamo. Mi ne ba si ka pazula, kona mo ne ba tuhelezi mahe kushwa, ni yena. Neba si ka pazula, mi, mwabona, mbututu na ka mubulaya ona cwalo fela, kacwalo nebana ni . . . na shwa ishwele fela, ku felile, nekusina kolo ku yena.

¹³⁶ Na yo mubona, na ni lizelize. Mi se Ni ya kwa sipatela, mi ki yani nali mwa tende ya okisijini mwani. Na tisa taba yeñwi ye filikanya, na ambola ni yena hanyinyani, mi se Nili, “Wa ni hupula?”

Ki hali, “Luli, Muzwale Bill, Na ku hupula.”

¹³⁷ Se nili, “Ku cwani . . . Kana wa utwisisa mo kulela?”

Ki hali, “Na ziba.” Ali, “Kona ha Ni ku bizelize.”

Se nili, “Kihande, kiñi, u zamaya cwani wena ni Mulena?”

Ki hali, “Muzwale Bill, Ni—Ni nani . . . Ha—Ha ni si ka itukisa ku ya.”

¹³⁸ Kihande, fani lwa kubama fafasi ni kulapela, ni bo mahe ni bo muuna hae, buñata bwa bona nebali mwa muzuzu, mi bo mahe ni muuna bakala kulila. Mi—mi cwale Na—Na mu buza, mi aba hande ni Mulimu (na lifile buitamo bwa hae ni kukuta ku to fa sepiso ya Mulimu; mi haiba na ka swalelwa; mwa na Mu latela; ni ku swabela libi za hae, ona mwa na pilezi), mi azwelapili ni kubaka ni kulila. Mi kasamulaho nyana Na nanuha ni kuzwa mwa muyaho.

¹³⁹ Mi ha—ha busa kakusasana ba ni biza, ku ya kwateni. Mi, na yo fumana kuli, ne ba tile kakusasana wani kwa kutatubiwa ni ku to bona fone—fone ku zamaela masila mwa mushamo, mi ba fumana kuli nasina nihaiba siemba sa ona. Kaufela na felile, siemba sa masila kaufela ni sifanu sateni ne li zwile ku yena. Madokota ne ba tabezi hahulu kufitela ha ba bulela kuli, “Mawi! Kiñi, se, lu swanela . . . Ki nto yenca luli.” Ali, “Luka—luka mu lukisa,” mi bali, “haiba ku kaba ona cwalo kakusasana . . .” Bali, “Lu ka zwelapili ku mufa penicillin,” kamba kaufela se ne ba ka

mufa, kuli likokwani li kusufale. Bali, “Lu ka pazula mi—mi lu ka zwise mwana li si ka tisa kale zeñwi.” Bali, “Haiba u ka iketa, ka nako yeo. . .”

¹⁴⁰ Kihande, habelli kamba halalu zazi lani ba mu lika hape. Mi busihu bwani, busihu luli, ba mu tatuba, hakuna se ne si fosahalile, na iketile fela hande. Mi ba mufa mulyani. Ba mu zwise kwa okisijini. Lika kaufela nelili fela hande. Ne ba ka mu pazula habusa, kunga mbututu.

¹⁴¹ Kihande, Na zwela kwande kwani. Mi bakeñisa kuli se ne si ezahalile. . . Cwale, Ne ni si ka ziba cwalo, Ne ni si ka ziba. Mulena na si ka ni bulelela sika ka zona. Mwakona kubulza sicaba, haiba mwa lata. Kacwalo bona. . . musali. . . Na sika bulela kuli li ka ezahala. Kono, oh, mawi, kubona lika—lika ze cwalo! Muuna hae, kakuba muezalibi, ataha mi ali, “Muzwale Branham, Ni—Ni bata kufa bupilo bwaka ku Mulena Jesu.”

¹⁴² Mi se Nili, “Ku lukile, aku kubame fela fafasi fa mi uswale lizoho la musala hao, mi kipeto mu zamaye mwa bupilo hamoho.”

¹⁴³ Bo mahe ba yo kuta, se bali, “Muzwale Branham, wa ziba, ki na yo ni banake,” ali, “kaufela luna lubile mwahali ni fande, ni mwahali ni fande, ni kupotoloha Tabernakele, ni lika zeñwi. Lwa inanga ni ku kuteeleza ha u kutaza, mi kipeto lu ya kwa katala ni ku kuta.” Ali, “Ni wile, nina, Muzwale Branham.” Musali ali, “Ni bata ku kutela ku Mulena Jesu, ka bunde bwa Hae ku mwana ka.” Kihande, mwa bona, sani—sani ki sesinde hahulu, kono ha u tahi ku Mulena Jesu bakeñisa lika zeo.

¹⁴⁴ Cwalo bukau fi ni fahala busihu, twelufu, wani kiloko, bomahe ba ozela mi ba lobala. Mi ki hali, amu biza, ali, “Ima.”

Mi ki hali, “Eeni, mulatiwa, u bata sikamañi?”

Ki hali, “Wa ziba, Ni tabile hahulu!”

Ki hali, “Ni tabile hahulu ka wena ka kuba ya tabile.”

Ali, “Nina ni kozo ni Mulimu.” Mi ali, “Oh, ha ki bunde ni boo!”

Mwa mizuzu yelikani, hape a biza, mi ali, “Ima.”

Ali, “Eeni?”

Ali, “Ni ya kwa hae.”

¹⁴⁵ Mi yena ali, “Na ziba cwalo wa ya.” Ki hali, “Eeni, mulatiwa,” ali, “dokota uka shimba mbututu kamuso. Mi mwendi lizazi kamba amabeli, litombo za hao ha se li folile ha u ka zwa mo, u kutele kwa ndu mi ube ya tabile hape, wena ni muuna hao ni bana babanyinyani, mi ube Mukreste ni kupilela Mulimu.”

Ki hali, “Ima, Ni talusa kuli Ni ya kwa Hae kwa Lihalimu.”

Musali ali, “Luli, mulatiwa, kwa mafelelezo a musipili.”

Musali ali, “A kona mafelelezo a musipili.”

“Oh,” musali ali, “cwale, ki butata mañi?”

¹⁴⁶ Ali, “Mafelelezo a musipili.” Kacwalo ali, “Eeni, ima, mwahala mizuzu yelikani Ni kabe niile.”

¹⁴⁷ Kihande, na hupula kuli nabile fela ni kuikalelwa ni kulyangana. A biza nesi, nesi a pima kubuyela kwa hae. Lika kaufela ne li iketile. Mi ka mizuzu iketalizoho na sa ile, na shwile.

¹⁴⁸ Mi cwale ha Ni kutela kwa ndu, mwa sunda kamba zepeli kuzwa fani. . .Ni sepa kuli Muzwale Graham na katalize fa mazwabi a musizana. Ha Ni kutela kwa ndu mi Meda ani bulelela kuli musizana yani na shwile busihu bwani, mawi, Ne nisa koni. . .

Ne—Ne ni ilo bona bo mahe. “Eehe.”

¹⁴⁹ Mi ha Ni—Ni—Ni zibi ze ne ni tiselize kueza cwalo, kono se Nili, “Mulena Mulimu, U—U ni kolotezi kutwisiso,” (Mwabona?) “kasamulaho ni ma no ya kwani mi—mi na yo bulelela muuna hae yani, mi yena ataha ku Mulena ha se U mu ezelize lika zee, ni zeo kaufela sina cwalo, mi ni kunga bupilo bwa musizana yani sina cwalo.” Se nili, “U ni kolotezi kutwisiso ni tokwa kuutwisisa.”

¹⁵⁰ Ha u bulelela Mulimu nto ye cwalo, U ka ku siya uinzi u nosi. Ha ni. . .Hakuna za ni kolotezi. Kina yana ni sikoloti ku Yena. Kihande, Na ni tuhezi fela kuminyuna mulomo ni kunyota ka mazazi alikani, mwa ziba. Mi, kasamulaho wa likweli zetala kamba zene, zazi leliñwi Ne nili kwa likamba la kasa mi Mulena a ambola kuna mwa pono, mi ali, “Cwale zamaya ku bo mahe, mi ubulele se ku bomahle, ‘Hanili nako ne itile ñohola tula, ha na tiba mwa kasa, nako yana bapala mwa mezi? Na lukela kuya ka nako yani, kono Ne ni na ku munga hana ka itukiseza.’ Mi kona zeo ha ne li ezahalile kaufela ni libaka le yezi kwani.”

¹⁵¹ Mi Na kubama ni kulapela. Se nili, “Mulena Jesu, ni swalele, mutanga Hao ya shebile wa sikuba. Ne ni sa lukeli kubulelela cwalo, Mulena.”

¹⁵² Mi Na kutela ku kalibe, na pila kwanu kwa mukwakwa obizwa Market Street, mi se Ni mu yela, mi se Nili, “Ni bata ku kubuza puzo.”

Ki hali, “Luli, Muzwale Bill.”

Mi se Nili, “Kana ki niti kuli musizana yo na bata ku tiba?”

¹⁵³ Musali ali, “Yeo ki niti, Muzwale Branham.” Ali, “Muuna hae ni yena neba—neba mu zwisize mwa kasa.” Mi ali, “Ne ba itusisize moya wa ku mu fukiseza, ni ku mu pompa ona, mi nebana ni kuba ni mushini ni ku pompa mezi ku yena.” Ali, “Na tinile sikoci. Ne bana ni papali kwa kandumbwi. Nali kwani mi sa hata fa lishabati, a wa ka toho mi a mizaka mikope mwa

mezi. Ne ba si ka mu lemuha. Mi kapili ba bona ha kena ni kutumuka, se ba matela kwateni ni ku mu swala mane ba mu zwisa mwateni.” Mi ali, “Na bata kushwa.” Ali, “Musali . . .”

Se neli, “Yani neli nako ya hae ya kuya.”

¹⁵⁴ Mwabona, Mulimu wa ziba Sa sweli kueza. Cwale, Mulena kaniti na ka ni bulelela kambe Ne ni si kaba ni maikuto one Ni bile ni ona, “Mulena, U ni kolotezi, ku ni bulelela ka zeo.” Hakuna sa ku kolotezi!

¹⁵⁵ Ne ni yemi mwa mukopano busihu bobuñwi mi na utwa mubuleli ha lapelela mutu ya kula, ali, “Mulimu, Ni ku laela kuli ufolise mutu yo!” Ki mañi ya ka laela Mulimu? Mwabona? Ha—ha—ha ki—ha ki butali mane, mwabona, kakuli yena—yena Mulimu yani, U—U eza Sa lata kueza.

¹⁵⁶ Kana lizupa—kana lizupa lika bulelela mubupi kuli, “Kiñi ha u ni bupile cwana?” Mwabona? Batili kutokwa! Kono haiba mupolofita na ka kuza ni kubuza Mulena kalabo, ki yeo kalabo kulo foo. Mwabona?

¹⁵⁷ Kuswana fela inge mutu yo yana buza ka za—za—za puzo ya pewa ya noha, mwa bona. Fela—fela mutalime, mi musike—musike mwa ba—musike mwa ba ka lubilo. Mi he, cwale, Mulimu kamita utisanga lika kaufela kuli libeleke hamoho kwa bunde ku baba lata Mulena.

¹⁵⁸ Cwale, kambe—kambe Nenive na si ka baka, kona kuli katulo ya Mulimu ne i kaba fahalimwa bona. Cwale muhupule, mupolofita una ni kuteeleza. Neli temuso.

¹⁵⁹ Cwale, taba yeo yaswana kwa naha ye. Mi mu li, “Muzwale Branham, Sunda yefelile no bulezi kuli ‘Nekusina sepo?’” Eeni! “Kiñi?” I hatikezi pizo ya yona. Ina ni ku i amuhela. Ika li amuhela. Ku ka taha nako fo naha ye haikafita mwa liembaemba. Ne ni iboni cwalo ka 1933. Mwabona, Na ni talimile kusili.

No ize, hakulata no bulezi kuli, “Kihande, ha li si ka ezahala kale.”

¹⁶⁰ Kono li ka ezahala! Niheba yena Mussolini mwa puso, niheba muyaho wa Maginot Line, mane niheba mota ne i sa bonahali sina lii mwa mazazi ani, ni lika zeñwi, mane nihaiba basali ne ba sa keni mwa liketisa za Mueteleli wa naha ya na ka bonahala inge—inge mushimani wa kwa koleji, ni lika zeñwi ze kaufela, mane ne ku si ke kwaba Mueteleli wa Katolika, ni zeñwi cwalo, ze ne bulezwi. Mwendu seli myaha ye mashumi amalalu kwa mulaho, kamba kufitelela, lika ze ne li bulezwi kale, kono Na ni bonisize fela kwahule koo kwa mafelelezo.

¹⁶¹ Mi taba yeo ha i sutelela, nako ni nako, sinwelo sani si sweli kutazwa! Mi kubaka ha ku kotalizwe ki Billy Graham, Oral Roberts, ni babañwi kaufela. Bapolofita, ni babañwi cwalo, ba silile naha ka lisupo ni ze komokisa, mi yena u tundamena

kukena mwa sibi. Ki kabakaleo ha ba sa baki, kubaka kona ko kutisa lika.

¹⁶² Mulemuhe, Akabe na si ka baka mwa kalimelo ya Elia. Kambe Akabe na bakile ni ku zamaya ka bunolo fapila Mulimu, taba yani ne isike ya ezahala. Kono Akabe natile kwani mi anga simu ya Nabote mane a mu bulaiwa, ni lika ze maswe ze kamukana. Mi Jezabele. . . Mupolofita yani aya ni za kuli SA BULELA MULENA KISONA! Kono ki sikamañi se ne ba ezize? A mu bembaba fela kuli uka mubulaya. Ki sikamañi sene si ezahalile? Bupolofita bwa hae bwa talelezwa, linja za mu ca ni ku kala mali a Akabe. Kuya fela ka linzwi la hae! A bona sinwelo, se sitezi.

¹⁶³ Kona libaka leo Mikaya yomunyinyani yani, hana bulela taba yeswana ye, kana na ka fuyola cwani sa kutile Mulimu? Mwabona, linzwi la—la hae, sipolofita sa hae, neli mwa kutwano ni Linzwi.

¹⁶⁴ Heroda, na si ka baka fani Joani ha naize, “Ha ki mulao kuli ube ni zeo, musala muhulwana hao!” Na si ka baka. Kono ki sikamañi sa na ezize? Musala hae na tokwa toho ya mupolofita. Mutalime masila ana keni ku ona. Mutalime sene si ezahalile ku yena. Mutalime, nihaiba kacenu, mwa Switzerland, ona—ona mezi a mubala wa bu ndilu a ku Mu hana inza lila ka kuba—kuba kupuzo. Mwabona, luli, na si ka baka nako ya omanyiwa ki Mulena. Joani amu bulelela, hakuna taba kamba nali sikamañi (muyemeli mwa kuta, kamba kaufela sa na li sona; kamba mubusisi, kamba yo akona kuba yena kaufela), u lukela kubaka Mulimu ha biza, kamba buhali bu fa halimwa hae!

¹⁶⁵ Ki linako zekai mwa bapolofita. . . Ni ñozi fa, kono haluna kuba ni nako kakuli Nina ni mizuzu yelishumi fela.

¹⁶⁶ Haiba hakuna kubaka, konakuli katulo ki niti taha! Hezekiasi na bakile. Mwabona? Ninive na bakile.

¹⁶⁷ Akabe na si ka baka. Nebukadinezare na si ka baka. Sicaba mwa linako za Nuwe ne si si ka baka, mi katulo ya ba fiyela. Mwabona? Cwale, kono U lemusanga mutu kaufela. Mañi ni mañi u fiwanga temuso.

¹⁶⁸ Cwale, ka kubona kuli nako ifa kaufi, mutu kaufela ya ikutwa kuli kuna ni temuso, baka kapili buhali bwa Mulimu bu si ka taha kale.

¹⁶⁹ Cwale ha lu li shetumukiseñi fa Branham Tabernacle. Mwabona, luboni lika ze ni ku li ziba kuli ki za Niti. Lu ziba hande kuli Ki za Niti. Tumo ya Linzwi ki kuli, “Haiba mu ka baka ni ku kolobezwa ka Libizo la Jesu Krete kwa swalelo ya libi za mina, mu ka amuhela mpo ya Moya o Kenile. Kakuli sepiso ikutela bana ba mina ni babali kwahule kaufela.” Mwabona?

¹⁷⁰ Cwale, muuna cwana, Bo. Dauch, ne ba ni buzize kwanu ha ki kale hahulu, se bali, “Muzwale Branham, Ni ya ni supala.

Na fokola, nainte wani.” Ki hali, “Kikuli una—una unahana kuli Ni—Ni itukisize kushwa? Kikuli unahana kuli Ni itukiselize kuya? Kikuli unahana kuli Ni pilisizwe?”

¹⁷¹ Se nili, “Bo. Dauch, kikuli mukile mwa ya ku—ku dokota ku yo itatubisa?”

Ki hali, “Eeni.”

¹⁷² “Mi wa mu bulelela . . . Cwale, sa eza dokota, una ni buka ye beilwe fani, mi unga buka ye mi u lemuha taba. ‘Cwale, taba yapili ye Ni lukela kuezeza muuna yani, u tatuba pilu ya hae.’ Kacwalo unga muhala wa ku tatubela ni ku ubeya mwa zebe ya hae, utatuba pilu ya hae.” Se nili, “Cwale, nto yetatama ya ka nga, u ka bona mali mwa matela, ni sa—ni mumatelo wa lizoho la hae. Mi nto yetatama ya ka eza, upima muluto, ni zeñwi kaufela, ni mali amañwi a hae, ni lika ze shutana ze kaufela. Wa fita kuzona kaufela, mi haiba hakuna sa kona kufumana . . . Unga X-ray. Haiba hakuna sa fumani, na ka bulelela kuli, ‘Bo. Dauch, wena—wena u iketile mwa nama.’

¹⁷³ “U yendekile kai kalabo yeo? Fa buino bwa buka ya za milyani, kuli haiba kuna ni se si fosahalile kuya ka muzamaisi yomutuna wa sayansi i ka bonisa fa, ika eza *se* fa, ika eza *sani* fani. Kabakaleo, kuya ka mwa konela kuzibela sika kaufela ka zona, u iketile hande, mwabona, ka mubili.

¹⁷⁴ “Cwale,” se Nili, “mwa taba ye, Ni—Ni beya fateni tatubo ya moyo. Mwabona? Mi Mulimu, ka moyo, kuna ni fela Sipangaliko silisiñwi, yeo ki niti, seo ki Linzwi la Hae. Leo ki Linzwi la Hae. Mi Jesu ali, ku Muñoli Joani 5:24, ‘Ya utwa Linzwi la Ka.’ Cwale, *kuutwa* koo ha ku talusi fela kuutwa lilata. *Kuutwa* koo kutalusa ku ‘Li amuhela.’ ‘Ki mañi ya kona ku amuhela Linzwi la Ka,’ amen, ‘yena ya Li utwa!’ (Usike wa yema u kuzize, uli, ‘Oh bukuba, lika zani, hakuna sesiñwi ku zona. Ha ni lumeli cwalo.’) ‘Ya utwa Linzwi la Ka!’ Uh-huh. Lani kona Linzwi la Jesu, leo, ki Yena Linzwi. Kifo he cwale. ‘Haiba mwakona kuutwa Linzwi la Ka,’ Na ize, ‘mi mu lumele ku Ya Ni lumile, u zwile kwa lifu kukena mwa Bupilo; mi mane hana kutaha kwa Katulo, kono sa zwile kale ku lona.’ Amen!” Se nili, “Isweli kunata cwani pilu ya hao cwale?”

Ki hali, “Na Li lumela. Ni I utwile. Ni Li amuhezi.”

¹⁷⁵ Se nili, “Konakuli kuya ka Mualafi Yomuhulu, Muña Musebezi, Dokota Yomuhulu wa Bupilo Bobusafeli uli, ‘U zwile mwa lifu kukena mwa Bupilo mi haana kutaha mwa katulo.’”

¹⁷⁶ Ali, “Hane Ni utwile ha u kutaza ka Libizo la Jesu Kreste kwa kolobezo ya mezi, Na kena mwa mulaho wa hao mi u ni kolobelize.” Ali, “Na. . . Mutu yo ne Ni banga yena sapili, Ha ni sa li mutu yani cwale. Kuna ni se si ezahalile ku na. Ne ni sa tokomelangi ka Zona mi na ikela fela ka nzila isili, kono Ni sikuluhile ni kuya ka nzila ye. Mi pilu yaka ya cisa musihali ni busihu kuli nibe bukaufi ku Yena. Linzwi kaufela la Teni, Na

lumela! Ni li, 'Amen!' kwa siemba sa Lona kaufela. Hanina taba ka mo Li ni pumakela, Ni bata kulikanelela hande ku Lona. Mi Nina ni seo kuya ka mo Ni zibela."

¹⁷⁷ Se nili, "Ku bonahala kuli pilu ya hao isweli kunata hande luli. Na—Na lumela wa kona cwale ka moya."

¹⁷⁸ Ki hali, "Hani zibi kuli Kuungelwa ku ka ezahala lili, kikuli Na kona kuya, Muzwale Branham?"

Se nili, "Ha ki na ya ka bulela ya ka yo kena kamba yasike."

¹⁷⁹ Ki hali, "Kihande, Ni tabela kupila, Ni bata—Ni bata ku bona Kuungelwa hahulu luli."

¹⁸⁰ Se nili, "Ku lukile, ha luboneñi seo bu—bu Buka ya Sayansi ibulela fa, ku yona, ni sayansi ya moyo fa." Se nili, "Kihande, I bulela cwana, mwa Matesalonika ba Bubeli, kauhanyo ya 5, I bulezi kuli, 'Luna baba pila mi lusiala kufitela Kutaha kwa Mulena haluna kutibela' (seo si talusa 'kupaleliswa') 'ba ba ipumulezi, baba lobezi. Kakuli tolombita ya Mulimu ika lila, mi baba lobezi baba ipumulezi ki ha ba ka zuha pili, ba apale mibili ye sa shwi. Mi luna baba pila ka lizazi lani, ka nako yani kasamulaho bamano zuha bona, mwabona, ki ha lu ka cinciwa mwa nako nyana fela, ka koba kwa liito, ni ku kopana ni bona; mi lu yo katanyeza Mulena mwa mbyumbyulu, lu yo ngelwa hamoho ni bona.' Kamba u lobezi, kamba ha si ka lobala, kamba wa lobalanga kamba ha u lobalangi; kaufela ko u pumbekezwi, haiba mane ha u si ka pumbekwa ni hanyinyani, uka zuha nihakuli cwalo! Hakuna se si kona kuku swala. U kaba teni!" Se nili, "Muzwale Dauch, haiba Jesu ha tahi kufitela baikulu-ba-baikulu-ba baikulu ku yo punya kwa baikulu ba bona, ukaba teni fa nako yeo ona cwalo fela, mi ukaba mwani mane ba si ka cinciwa kale, haiba ba ka ya." Yeo ki niti. Amen!

¹⁸¹ Kuna ni mbuyoti ye taha inge fela mo ku tahela buhali. Oh, luna ni kubata iliñwi ya zona busihu boo. Ulukela ku libelela buhali bo bu ka wela fahalimwa hao ni kwa sinyeho, kamba mwendi u na ni kulibelela zuho ya Mulena Jesu. Yena Mulimu yaswana ya na sepisize, sepi- . . . Ni tabile hahulu!

Ni libelezi kutaha kwa Lizazi la tabo ya Mileniamu,

Foo Mulena luna ya fuyozwi ha ka taha ku to ngela Munyaliwa wa Hae ya libelela;

Oh! Pilu yaka ya njanja ni kutonga bakeñisa lizazi lelinde lani,

Foo Jesu wa luna ha ka taha mwa lifasi hape.

Mi sibi ni maswabi, butuku ni lifu la lifasi le li nsu le lika fela,

Mwa puso ye kanya yani ni Jesu ka myaha ye sikiti ya kozo.

182 Oh, mawi! “Mi lukaba ni Mulena kamita.” Mwabona? Sa na bulezi Mulimu, si ka ezahala. “Ba ka yaha mandu, ba ka pila ku ona. Ba ka lima masimu a veine mi ba ce ze beiwa ki ona. Habana kucala mi yomuñwi a yole. Ba ka cala masimu abona a veine ni kupila ni ona.” Amen! Amen! “Habana ku holofaza kamba kusinya fa Malundu a Ka a kenile.” Haleluya!

183 Foo mubili o shwa wo ha uka apala ku sa shwa, ona—ona lifu le li mizizwe mwa kukoma, mi lu ka Mu bona ka mwa Inezi ni kuba ni mubili inge Mubili wa Hae Tota o kanya. Oh, ki nako ye cwani yetaha!

184 Yena Mulimu ya swana ni bapolofita baba swana bene ba bulezi ka za Linzwi la Mulimu, kamba buhali bo bu ka suluha, ku suluha, hape ki yena ya bulezi kuama limbuyoti zetaha ze. Ni tabile hahulu! Mulimu haafi—haafi naha—naha sinyeho kusina ku i lemusa pili. Ha fi mutu sinyeho kusina ku mulemusa. Mi cwale haiba A eza cwalo, luna ni sesiñwi se si ezahalile ku luna, ponahazo ya lisupo za mazazi a maungulo ni luna, Moya o Kenile omutuna uzamaya mwahala luna ni ku tusa keleke ni Pata ya Hae, inza bonisa Linzwi la Hae. Mi Keleke i libelezi ku kambama mwa mbyumbyulu leliñwi la mazazi a, ka mata a Mulimu. Kakuli ki temuso ya kubeya kwatuko buima kaufela ni sibi se si lu hanelela fakaufi, kuli lukone kufufa ka tibeledo mwa takano ye beilwe fapila luna, kutalima Mutateki ni Mufezi wa Tumelo ya luna.

185 Mulimu ami fuyole, keleke! Swala lizoho la Mulimu le li sa fetuhi! Eeni, sha. Haiba uikutwa kuli Pata ya Hae, zamaya ku Yena. Haiba kuna ni se si fosahalile mwa pilu ya hao, si lukise. Haluna nako yeñata ye siyezi, Kutaha kwa Mulena ku sutelezi. Kana mwa Mu lumela? Oh, mawi! Zeo halina kuba hande nji? Ki nako ye cwani, ha Ni bona baikale bani ba zamaya mwa Paradaisi yani! Oh, mawi! Ni libelezi hola yani.

186 Na hupula ha ni utwa muzwale waka yana bulela, ha ne lu zwa kwabuse bwa mawate, kwa libaka za masimu za kale ni lika zeñwi, ali, “Baikale bani, hane ba taha mwa fapila Sibupiwa sa Tukuluho sani, ni ku zwise lihole zani kuli bakone kubona Sibupiwa sa Tukuluho.” Mwabona sani pili, fa sisepe, ha mu taha, kakuli ki se si pahami hahulu. “Mi mubone lizoho lani, inge liyemi fani,” ali, “baana bani ba huwaka fela ni kulila. Mi ona baana babatuna bani inge bayemi fani, ba wela fela fa mabala ni kukala kulila.” Neli sikamañi sani? Sisupo sa tukuluho. Lika kaufela ze ne ba lata nelili kwa mulaho wa sisupo sani kwani.

187 Oh, kono ikaba sikamañi ha Ni ka utwa sisepe sa kale sa Sione ha si luma kakusasana wani mi Ni bona masila inge a pepela! Ndwa ha se ifelile ni tulo i winilwe, haleluya! Mi lu taha kwa Hae, ko lifu, sibi ni lihele li komilwe; mi hakusana sibi hape, hakusana nahaiba lifu, hakusana kuba maswabi. Ni utwa fela pindo ha i lila! Oh, lu sutelezi kwa Munzi. Eeni, sha.

Ze lyanganisa za taha, sisepe sa kale si sweli kutaha mwa sibaka. Mulimu, a lu tuse kupila kufitela hola yani!

¹⁸⁸ Mulena Jesu, lu sicaba se si—si lika katata mo lukonela, ka ze li ku luna kaufela, ku zamaya mwa Liseli la evangeli ya Evangeli yetuna ya Hao yo No shwezi ku lukisa lika. Lu itumezi hahulu ka kubona, mwa mazazi a lififi a maswe a e lupila kuona mwa hola ye, mo lubona lisupo ze sweli kubonahala. O Mulimu, sina mo i ubezi muñolo fa limota, lwa itumela ku Wena, Mulena, kuli lukone ku libona ni kuziba kuli tukuluho i sutelezi. Lwa kutaza, lu sila naha, lwa Ku bona ueza lisupo zetuna, i ponahaze Iliwena zazi ni zazi, mwaha ni mwaha. Hakuna mwaha ofita kono ki seo (zetuna) lisupo za Hae za Buipiteli lika tulukela lifasi. Mi lwa libona, ka kuziba kuli mpi yetuna ya Mulimu i sa zwelapili.

¹⁸⁹ Oh, ha ki babañata mwa nombolo, kono ki sikwata se si mata se si na ni Bupilo Bobusafeli! Naize, “Ba ka mata kukatana mpi ni kutulela fahalimwa lukwakwa.” Eeni, ki “mpi” ya lifu yesike ya ba ni liswaliso, Ika mata ku yona. Kutulela fahalimwa “limota” mwahali a sa nama ni za Moya, ni kukena mwa mazoho a Mulimu, kuliba mwa Kuyakuile mo kutuna mwani. Mulena Mulimu, lwa itumela ku Wena ka se. Lu ziba kuli nako i sutelezi fakaufi.

¹⁹⁰ Na lapela, Mulimu, kuli busihu boo haiba kuna ni babañwi mo baba sa Ku zibi, baba si ka ba kale ni kozo ya bona. . . . Mi mwendi busihu bo, halubile lu ambola, Linzwi nyana le li bile li bulela mwa pilu zabona, “Ni ikutwa temuso kuli ha Ni koni kuba ka nako yetelele.” O Mulimu, ha ba lukise za ndu yabona, ona fa cwale. Mi lika kaufela li beilwe hande. Cwale kubatelwa. . . . Mwendi ki Bakreste, kono fela ha ba si ka. . . . Ba pilile mwatasi a se fa nako yetelele hahulu mi ba boni zeñata luli, ba—ba latehezwi fela ki butokwa bwa Zona. Ki. . . . Lika, ze ba li talimile ka bunolo kufita kuba mwa butungi ni ka kusepahala.

¹⁹¹ O Mulimu, halu tatubeñi busihu boo, lumeleza cwalo, ka kuziba kuli lika zetuna ze li lu lemusa fela bukaufi bwa kuungelwa kwa Keleke. Mi haiba lu imezwi ki sibi, ka ku sa lumela, ni ka bunya, haluna ku ya mwa Kuungelwa kwani. Lwa ziba cwalo, Mulena, kacwalo lu lapela kuli U cise ku luna Moya o Kenile, kutaha fafasi mwa lipilu za luna. O Mulimu, beya mioyo ya luna fa mulilo ka limbuyoti za Hao. Lu tuse ku utwisisa.

¹⁹² Cwale, fuyola sicaba hamoho. Fuyola mulisana wa luna yomunde ni musala hae. Fuyola madikoni, basepahali, keleke kaufela, hamoho. Swalela libi zaluna. Folisa matuku aluna, Mulena. Mi tukisa lipilu za luna ka mulilo. Mi lu zwe mwa sibaka se ni liñusa la temuso, halunze lu kopana ni sicaba mwa sibi, ni ku ba bulelela kuli, “Mulikani, kana ha u swabi kuli ueza lika ze cwalo, ka kuziba kuli ulukela ku kopana ni Mulimu zazi leliñwi?” Lumeleza cwalo, Mulena. Ni ba beya ku Wena, cwale; ni

beya Liñusa, mi zeñwi kaufela hamoho, kuli li belekele hamoho kwa kanya ya Hao. Ka Libizo la Jesu Kreste. Amen.

Na Mu lata, Na Mu lata
Kakuli U ni latile
Ni kuleka puluso yaka
Fa kota ya Kalvari.

¹⁹³ Kikuli ha mu Mu lati? Munahane se luli sona. Mutalime butelele bwa musipili olutile, balikani. Mutalime fela kwa mulaho wa mukwakwa kuzwa kafoo, mwa mazazi a Luther ni Wesley, kutaha cwalo mwahala masika. Mutalime fa fo se luinzi: ona fa fahalimwa piramidi; ona fa foo Mulimu ali bonisize, kuli Bibeke ka maswayo a sebene i bonisize handende kupatulula; seli kulibelela fela cwale zona likunutu zesupa zani kwa mafelelezo, ka Kutaha kwa Mulena ni Kuungelwa kwa Keleke ko ku kona kuezahala lisika pazula kale kakusasana. Oh, mawi!

Na Mu lata . . .

Ka kusepahala cwale.

. . . Na Mu lata
Kakuli U ni latile
Ni kuleka puluso yaka
Fa kota ya Kalvari.

¹⁹⁴ Halunze lu kutumana cwale. . . Kikuli mwa ziba kuli mañi ni mañi wa luna mo uswanela kufunduka fa, kusiya lifasi le nji? Kana mwa ziba kuli mutu ya pepilwe ki musali ki wa mazazi a likani mi a tezi matata? Kana mwa ziba cwalo kuli ha lu pepilwe kwa kota yani kuzwa kwa simu ya Edeni, ya lifu, kuli luna ni kushwa? Luna lu muselo wa mba ya boma luna, mi luna ni kushwa, lu na ni ku kusiya bupilo boo. Banana kamba babahulu, hakuna shutano ni yekana. Haiba muuna muhulu kamba musali muhulu mwahali mo ya pila busihu boo, haiba akona kupila kufitelela banana babañata baba lishumi, lishumi-ni yeketalizoho myaha ya kupepwa? Mianda anda ya bona ba ka shwa lifasi loote lisika pazula kale, bao ki bana. Kacwalo kaufela ze li butokwa, kikuli, u eza sikamañi ona fa cwale?

¹⁹⁵ Ye ikona kuba kolo ya hao ya mafelelezo. Mwanana kamba yomuhulu, wakona kutaha kwa keleke. Usike wa siya nto iliñwi i si ka ezahala. Ube ya tokomela mi ya sepahala. Beya kwatuko sibi kaufela ni zeñwi kaufela. Talima hande mwa pata ya Mulimu ni kubuza puzo ye, “Mulena, kana Na ku tabisa nji? Ki sikamañi hape se Ni swanela kueza, Mulena Jesu? Hanina kuba ni kolo hape, kasamulaho bupilo bo bu fela, kuli ni Ku sebeleze. Ye kona nako fela inosi ye Ni nani. Mulena Mulimu, tuhela fela kuli ni zibe So bata kueza! Haiba Ni lukela kueza se kamba ni lukela kueza *sani*, Ni ka tabela ku si eza.”

¹⁹⁶ Kikuli luna—kikuli lu nahana cwalo ka kusepahala nji? Kana banana ni bona ba nahana zeo? Kikuli babanca ni bona ba nahana ona cwalo naa? Kikuli macembele mwa nahana

cwalo nji? Kikuli ba sanana ba nahana cwalo naa? Lu swanela kunahana zeo, mi kana muziba cwani kuli kaufela haluna ku ya li si ka pazula kale? Ha lu zibi. Mu li, “Zeo za ni bilaeza.” Ha li lukeli! Kaniti, li lukela ku ku tabisa hahulu ka kuziba kuli u siya ndu ya likokwani ya kale ye.

¹⁹⁷ Kuna ni lifasi leliñwi. Ha u lukeli kuya kwahule luli. Li pila bukaufi ni wena. Liteni fa bukaufi ni wena. Fela una . . . wena . . . Mulimu u kufile fela maikuto a ketalizoho, mi ao ki a kusebelisana hahulu ku le, lifasi le. Kono kuna ni lifasi leliñwi leo usina maikuto ni amakana a kuswala ka ona, haukoni ku swalana ku lona kakuli hauna ona.

¹⁹⁸ Ka mutala, Ne niize, la Sunda busihu, (mwendi ne mu si ka utwisisa) sikamañi. . .luna ni maikuto a ketalizoho: kubona, kulwaza, kuswala, kununkelela, ni kuutwa. Kono kucwani kambe no si na meto (nona ni fela kulwaza, kuswala, kununkelela, ni kuutwa), mi yomuñwi a amuhele meeto a hae ni kubulela kuli, “Kuna ni lifasi leliñwi, lizazi?” Ao—ao maikuto ao, uka nataka mwa lika, mi seo sili sona si kaku zibisa seo sili sona. Kiñi, no ka nahana kuli mutu yani wa takana, kakuli hauna zeo—zeo za maikuto a—a kubona. Hakuna yakile aba ni ona, yo u ziba. U utwile batu ba ba bulezi lika ze cwalo zeo, kono no li kakanyize. Kono lwa ziba ka ngana ye kuli ki niti. Ki sibaka sa luli. Mwabona? Ki—ki—ki—ki sibaka ko . . . wa kona kubona. Ngana ya hao i paka cwalo.

¹⁹⁹ Cwale, taba fela yo eza ha u shwa, u cinca fela maikuto a ketalizoho ani (Kanya! Whew!), u amuhela fela maikuto amañwi. Mi upila ka ngana yepahami, likiti za linako ze pahami kufita ye, mwa bupilo bobuñwi; bupilo ko kusina lifu, ko ku sina maswabi. Mi lika zo sa sibi cwale, wa li bona handende ha u so silezi kwani. Ha u li utwisisi cwale kakuli usweli ku ngungula fela kuzona, haiba maikuto ao. U li, “Ni—Ni ikutwa maikuto asili mo busihu boo. Ku bonahala inge kuli kuna ni . . . Ni bata fela kulila, kamba kuhuwa, kamba nto yeñwi.” Ki Mangeloi a Mulena. Mwabona?

²⁰⁰ Inge yomuñwi yakile abulela kuli, mwa ziba, yana sina meto, ali, “Fa ni fa Ni ikutwanga kuba ni sesiñwi sa niti, inge maikuto a mufutumala cwalo.”

Mu li, “Ki liseli la lizazi.”

²⁰¹ “Liseli la lizazi ki sikamañi? Nali kuba ni li bone fateni.” “Hakuna nihaiba . . .” Mwabona, na si ka bona kale, ha zibi kuli ki sikamañi. Mwabona, mutu yomuñwi kwani una ni ku mu bulelela, yomuñwi ya kona ku li bona. Oh, mawi! Mwabona?

²⁰² Lwa cinca fela. Lwa cinca fela, musike mwa saba lifu. Lifu ha ki sesiñwi kono ki sisusa. Jesu na li komile. Mane nihaiba Paulusi hana tile kwa mafelelezo, na ize, “Lifu, bukai buhazo bwa hao? Bukai buhali bwa hao? Libita, ikai tulo ya hao? U bulela kuli u ni sweli? Ni—Ni bata ku kusupeza kwa Jerusalema. Kuna ni libita la mukungulu kwani mi ‘Kina ya Na komile bubeli bwa mina,

lifu ni lihele,' mi Ni inzi ku Yena mi ha u koni ku ni swala! Ni ka zuha hape." Oh, mawi! Ki hali, "Kuna ni mushukwe o filwe ku na, kuli Mulena, wo Muatuli ya lukile, uka nifa; mi ha ki na fela, kono kaufela baba *lata* kubonahala kwa Hae."

203 Mwa Mu *lata*. Mu bata ku Mu bona ha taha. Mu mu libelezi. Ki likande leli telele, ki—ki tibeledo yetelele. Ki taba ya lilato. Kono ha ukoni fela kulibeleda ku Mu bona! Oh, mawi! Cwalo kona mo kuinezi. Oh, yani kona nako ye lu libelela, yani ki yona hola! Haiba pilu ya hao haiswani sina—sina—sina cwalo busihu bo, mulikani, u tokomele. Mwabona? U tokomela. Usike wa lumeleza sila ku ku puma. Moya o Kenile mwahali mo ubata kukala Kufufela ku Muña Ona, ku Mulena a Ona, kuna ni silikani sa lilato seo mutu asakoini kubulela fateni. Yeo ki niti, ki niti. Ki niti.

204 Kacwalo haiba kuna ni temuso, bali, "Ha u si ka itukiseza zeo," kona kuli hupula, Mulimu wakona ku ku lukiseza sika. Mwabona? Ha u si kaitukisa. . .

205 Mu li, "Kihande, haiba Ni kolobezwa, ka Moya o Kenile, konakuli, kihande, mwendi Mulena uka ni nga?" Batili, ha ki seo fela, fo u i tukielize fela kupila. Ha—ha u si ka itukiseza kupila kufitela uba ni Moya o Kenile, mi cwale ha mu ba ni Moya o Kenile konakuli uka swanela kupila. No sa swaneli kupila ku si kaba kale zeo, mwabona, kono cwale so swanela kupila ha u so amuhezi Moya o Kenile. Mwabona? Ku ku lukisa fela. Mwabona?

206 Sicaba sili, "Kihande, Ni lukela ku itukisa kushwa." Oh, mawi, Ni itukiseza kupila! Amen. Taba yatani kikuli, muitukise kupila, kupile ku Kreste! Kukoma bupilo bwa tulo fahalimwa sibi, lifu, lihele, Ni na ni kale tulo. Ki yena Kukoma kwa mi na Ni paki ya Hae, mi Ni paki ya Kutula kwa Hae. Amen! Kona cwalo.

207 "Kana uziba cwani kuli una ni Ona?" Nina ni Ona. Amen. Na ni file ona ka muhaw wa Hae. Na u Utwa. Na U ziba. Na U bona u beleka mwa bupilo bwaka. U ni cincize. Mi kuya ka Buka ye fa, U bulezi kuli Ni bile ni Bupilo Bobusafeli mi hanina kutaha kwa Katulo, kono Ni zwile mwa lifu kukena mwa Bupilo kakuli Na ni lwalezi katulo yaka. Mi haiba Na lifile tifo, musike mwa lika ku ni tisa kwa Katulo ifi kaufela. U ni ezelize zona, mi Na li amuhela. Eeni, sha.

208 Kacwalo hakusana katulo. Ha kusana katulo—hakusana lifu. Oh, Ni lukela kusiya keleke ni kuzwa mwa sicaba zazi leliñwi, kono sani. . . haiba Jesu aliyeha. Mi haiba seo siezahala, kupalañi, mawi, Ha ni si ka shwa. Hanikoni ku shwa, Nina ni Bupilo Bobusafeli. Ukona cwani inge una ni Bupilo Bobusafeli? Mwabona? Kamita Fapila Mulimu mi kamita u kaba ni Yena! Amen! Seo sa tabisa pilu yaka, mawi, si ni eza ni utwisa kubata kukala kukutaza hape. Mwabona? Yeo ki niti. Oh, Ki Yomunde!

Hanili Ki yomunde, ki younde, ki yomunde?
 Kana Jesu ha ki yomunde nji?
 Meto aboni, lizebe liutwile, ze ñozwi mwa
 Linzwi la Mulimu;
 Kana Jesu ha ki yomunde nji?

Na lata bupaki boo.

Meto a boni *kale*, lizebe liutwile *kale*, ze ñozwi
 mwa Linzwi la Mulimu;
 Hanili Jesu Mulena luna ki yomunde?

²⁰⁹ Oh, Na Mu lata! Ki yena Kozo yaka, Bupilo bwa ka, Sepo
 yaka—yaka, Mulena ka, Mulimu waka, Mupulusi wa ka, ki
 waka . . . (Oh, mawi!) Ndate, Boma, Kezela ka, Muzwale waka,
 Mulikana ka, lika kaufela! Mwa bona? Ne lu opelanga pina
 nyana ye cwalo. Mwa ziba, kana mu sa tu hupula tupina nyana
 twani twa Mapentekota cwalo . . . Ni sepa ba timile silimba sa
 kku rekodela cwale. Hmm. Ne lu opelanga cwani?

Ki ndate, ki boma, ki kezeli ni muzwale waka,
 Yena ki lika kaufela kuna.

U kaufela, U kaufela ku na;
 U kaufela, U kaufela ku na;
 Kakuli ki ndate, ki boma, ki kezeli ni muzwale
 waka,
 Yena ki lika kaufela kuna.

²¹⁰ Mwa hupula hane lu opelanga cwalo? Kuna ni wa mina ya i
 hupula? Mawi, lilimo za kale! Mi ne lu bulelanga kuli:

Na ziba neli Mali, Na ziba bne li Mali,
 Na ziba neli Mali a ka;
 Zazi leliñwi hane Ni latehile, A shwela fa
 Sifapahano,
 Mi Ni ziba kuli neli Mali a ka.

²¹¹ Mwa hupula pina nyana yani? Ha lu boneñi, neli ifi yene lu
 opelanga yani? Ha lu boneñi.

Oh, kikuli hamuna kutona ni na fa hola iliñwi
 fela,
 Hanze Ni ya mwabuse, hanze Ni ya mwa buse?
 Oh, kikuli hamuna kutona ni na fa hola iliñwi
 fela,

Hanze Ni ya mwabuse, ku yo lapela?

Ni sweli kukoma, Ni sweli kukoma,
 Ni sweli kukoma, Ni sweli kukoma;
 Kakuli Na lata Jesu, ki Mupulusi waka,
 Mi Wa menya wa Ni lata hape.

²¹² Ne ibanga muuna muhulu Muzwale Smith, muzwale
 yomunsu, yana banga mo mwa lilulu. Oh! Ne ni teelezanga
 balikani ba batu babansu bani kwani, Ne ni iinanga fela ni
 kulila ni kuhuwa ni lika zeñwi kaufela, na nyunga mota yaka

ni kutulaka ku ipotoloha ni ze cwalo. Kaufela bona ba kambela mazoho.

Oh, kikuli hamuna kutona ni . . .

Balikani babansu bani banani, mwa ziba. Hakuna yakona kuopela inge bona; kihande fela mu itobohe zona. Mwabona?

. . . hola iliñwi,

Ha Ni nze ni ya mwabuse, . . .

²¹³ Oh, mawi! Na ina fani, Se nili, “O Mulimu!” Mushimani yomunyinyani yo, wa myaha ye mashumi amabeli ya kupepwa, Na mata mata kupotoloha moya yani ni kuhuwa fela ni kulumba Mulimu ona cwalo. Oh, ha ki nako ni yeo! Ani neli fela makalelo a pili, Mulimu ha na zamaya fela mwahala sicaba ona cwalo. Cwale lu tile mwa Keleke ye tiile yani. Haki sicaba se si ñata mwa palo, kono ki ba ba tiile mwa Moya. Amen. Ha ki bunde ni boo!

²¹⁴ Mi ne ku banga pina nyana . . . Na hupula zazi lani kwani kwa Chattanooga, Tennessee, hane Ni kopani ni ye . . . Isiñi Chattanooga, neli kwa Memphis, kone Ni katazi musali yomunsu yo, mwa ziba, inza yemi. Mu ni utwile ha ni bulela ka zona, mwa ziba. Mushimani wa hae nana ni butuku bwa sihule. Mi na itamile hembe ya siina kwa toho, inza yendamezi fa sipula sina *cwalo*. Mi Mulena a yemisa fulai yani mi ne isika funduka, ka mukwa omuñwi, mi ba ni bulelela kuli ni tahe . . . Mi Moya o Kenile wali, “Zamaya musipili nyana mi u zamaye neku *le*.”

²¹⁵ Mi se Ni ya ku shetumuka kwani, inge ni opela. Na hupula kuli, “Mawi, fulai yaka ibata kufunduka!”

²¹⁶ Wa tundamena fela kubulela kuli, “Zwelapli. Zwelapili kuzamaya. Zwelapili kuzamaya.” Siemba fela sa makalelo a bulumiwa bwaka.

²¹⁷ Mi Na talima, inza yendamezi fa limota kwani, mi neli kwa matakanyani nyana cwalo, sibaka nyana kwani. Nekuna ni kezeli wa mucembele ya na yemi fani. Oh, musali nali . . . Ne kubonahala inge kuli alimuñwi wa likezeli ze swanisizwe fa masikono aba Aunt Jemima. Malama amatuna amakima, mwa ziba, mi ni—ni milili ya hae, hembe ya hae inge i shuñhile kwa mukokoto. Na yendamezi fa sikwalo sina cwana, mi Na ba fela . . . Ne ni sweli kuopela kapina nyana kani ka za . . . kakanyinyani . . . Neli sikamañi . . . Ni libezi libizo la pina nyana yene Ni opela. Cwale, ki nto yeñwi—yeñwi . . . Neli kapina nyana ka si Pentekota kakakuswani, ka tabo nyana.

²¹⁸ Mi Na tuhela fela kuopela, Na sutelela fakaufi luli. Mi Na zamaela bukaufi. Mi na yemi fani ni mioko inge ibuba fa malama amatuna amakima ani; Ne ni bata ku mu kumbatela. Ki hali, “Muzuhile, mukutazi!”

Se nili, “Ima, mu bulela sikamañi?”

Ki hali, “Ni bulezi kuli, ‘Muzuhile, mukutazi.’”

219 Se nili, “U ziba cwani kuli Ni mubuleli?” Cwale, kwa sicaba kwa Mboela, seo sitalusa kuli “mukutazi,” mwa ziba. Ali, “Cwale, u ziba cwani kuli Ni mukutazi?”

Ki hali, “Ne ni ziba kuli wa taha.”

220 Se nili, “No ziba kuli Ne ni taha?” Na hupula kuli, “Uh-oh, ki se fa, mwabona.”

221 Ki hali, “Eeni, sha.” Ali, “Kana—kana u kile wa bala likande mwa Bibebe, mukutazi, ka za musali yani wa kwa Shuneme?”

Na li, “Ehe, ima, Ni i balile.”

222 Ki hali, “Na kina mufuta wa musali yani.” Ki hali, “Mi Na kupa Mulena haiba Na ka nifa mbututu, na ni muuna ka, mi ne Ni ka mu huliseza ku Yena.” Ali, “Na ezize cwalo, A ni fa mbututu.” Mi ali, “Ne hulisize yacwalo, mushimani yomunde.” Ali, “A kena mwa sikwata sa balikani ba bamaswe, mukutazi. A tasezwa ki butuku,” mi ali, “u lobezi mwahali mwani wa shwa. Sa shwile mazazi amabeli cwale. Mane ha si ka ikutwa kale hande fa mazazi amabeli. Dokota naliteni mo mi ali, ‘Hakoni kupila,’ ali, ‘wa shwa.’” Neli butuku bwa butanya, mwa bona. Ali, “Ha ni koni kuyema ni kutalimela mbututu waka inge a shwa, mi Na lapela busihu kaufela.” Mi ali, “Se nili, ‘Mulena,’ ali, ‘Kina mufuta wa musali wa kwa Shuneme yani mwa nainezi, kono’ ali, ‘ukai Elisha wa Hao?’”

223 Mi ali, “Ne niilo lobala mi Na lola tolo, kuli Ne ni yemi fa munyako wo, mi Ni ku boni unzo shetumuka mwa mukwakwa ni kuwani yenyinyani yeo ye inzi kwa matuko a toho ya hao.” Kono ali, “Kuna ni fela nto iliñwi,” ali, “ikai yani . . .” Ali, “U lukela kuba ni putumende mwa lizoho la hao.”

Se nili, “Ni i siile fela kwani kwa Peabody Hotel.”

224 Ali, “Ne ni ziba kuli no lukela kuba ni putumende.” Mi ki hali, “Mbututu waka wa shwa.”

Se nili, “Libizo la ka kina Branham.”

Ki hali, “Ni tabile ku kopana ni wena, Mukutazi Branham.”

225 Se nili, “Ni lapelelanga bakuli. Kana ukile wa utwa fateni bulumiwa bwaka?”

226 Ali, “Batili, Ha ni sepi kuli Ni kile na utwa fateni.” Ali, “Kikuli hauna ku kena mwahali?” Mi se Ni kena mwahali.

227 Mushimani yani inza lobezi fani cwalo. Ne ni lika ku mu bulelela ka za foliso ya Bumulimu, kono zeo ne si zona za na bata ku utwa. Na bata kuutwa mushimani yani ha bulela kuli na “pilisizwe mi aitukisize kuya.” Mi musali ali . . . Mi Mulimu amu pilisa.

228 Mi mwendi mwa mulaho wa silimo cwalo Ne ni muboni ni kuwani ye fubelu kwani kwa sitishini. Mulena mwa ezezanga lika!

229 Mi cwale ha Ni yo kuta, kasamulaho wa fani, Ne ni swanela . . .fulai yani neilukela kufunduka ka sebene kiloko, mi neli ka hafu naini. Mi se Ni kwela ka mota ni kukutela kwateni. Mi Ni sa yo fita fela, bali, “Pizo ya mafelelezo ya fulai ya nombolo ya *kuli-ni-kuli*.” Mulena na sweli fulai yani yali kulula ona cwalo fafasi nako yene Ni sa yo lapelela mushimani yani. Mwabona? Kona cwalo.

230 Ne ni sweli kulika kunahana ka yona, pina nyana yani, “*Alimuñwi Wa Bona*.” Kona cwalo. Oh, mo ne lu ezezanga sikwenda sani mwahali mo, ni kukambela mazoho a luna. Ne lu kali:

Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona; (Haleluya!)

Alimuñwi wa bona, Ni alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona.

Ne ba kopanezi mwa ndu ya fahalimu,
Kaufela inge ba lapela ka Libizo la Hae,
Ne ba kolobelizwe ka Moya o Kenile,
Mi mata a sebelezo a taha;

Cwale sa Na ba ezelize ka zazi lani
Uka mi ezeza sona ka kuswana,
Ni tabile hahulu kuli Ni kona kubulela kuli Ni
alimuñwi wa bona.

Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona;

Alimuñwi wa bona, Ni alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona. (Mina bo?)

231 Muteeleze timana ye:

Batu ba ni haba si ka i tuta,
Kamba kuipahamisa ka libubo la lifasi,
Kaufela bona ba amuhezi Pentekota ya bona,
Ba kolobelizwe ka Libizo la Jesu;
Mi basweli ku kandeka cwale, fa kaufi ni
kwahule,

Mata a hae aswana fela,
Mi Ni tabile hahulu kuli Ni kona kubulela kuli
Ni alimuñwi wa bona.

Oh, alimuñwi wa bona, Ni alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona;

Alimuñwi wa bona, oh, Ni alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona.

Oh, taha, muzwale waka, ubate mbuyoti ye
 Ye ka kenisa pilu ya hao kwa sibi,
 I ka kalisa kuliza milangu
 Ni ku tumbula moyo wa hao ka mulilo;
 Oh, wa tuka cwale mwa pilu yaka,
 Oh, kanya kwa Libizo la Hae,
 Mi Ni tabile hahulu kuli Ni kona kubulela kuli
 Ni alimuñwi wa bona. (Kana mu tabile ka
 zeo?)

Alimuñwi wa bona, alimuñwi wa bona,
 Ni tabile hahulu kuli Ni kona kubulela kuli Ni
 alimuñwi wa bona;
 Oh, alimuñwi wa bona, alimuñwi wa bona,
 Ni tabile hahulu kuli Ni kona kubulela kuli Ni
 alimuñwi wa bona.

²³² Oh, kana ha mu si ka taba nji? Halu itumeliseñi fela mwa
 mazoho yomuñwi ni yomuñwi ha lu nze lu iopela. Ki sikamañi
 se mu bulela? Halu ezeñi cwalo.

Alimuñwi wa bona, alimuñwi wa bona,
 Ni tabile hahulu kuli Ni kona kubulela kuli
 Nina . . . (Ni tabile hahulu, muzwale.)

Oh, alimuñwi wa bona, alimuñwi wa bona,
 Ni tabile hahulu kuli Ni kona kubulela kuli Ni
 alimuñwi wa bona.

Oh, taha, muzwale waka, ubate mbuyoti ye
 Ye ka . . . moyo wa hao fa mulilo,
 Ye ka kalisa kuliza milangu ya tabo
 Ni ku tumbula moyo wa hao ka mulilo;
 Oh, wa tuka cwale mwa pilu yaka,
 Oh, kanya ku Yena . . .

Halu nanuleñi mazoho aluna mwahalimu.

. . .ki tabo kuli Ni kona kubulela kuli Ni
 alimuñwi wa bona.

²³³ Kaufela hamoho:

Alimuñwi wa bona, alimuñwi wa bona,
 Ni tabile hahulu kuli Ni kona kubulela kuli Ni
 alimuñwi wa bona;
 Ni alimuñwi wa bona, alimuñwi wa bona,
 Ni tabile hahulu kuli Ni kona kubulela kuli Ni
 alimuñwi wa bona.

²³⁴ Muteeleze hande hape cwale, mwabona.

Batu ba ni haba—haba si ka ituta, (Ha ba zwi
 kwa koleji.)
 Kamba kuipahamisa ka libubo la lifasi,
 Kaufela bona ba amuhezi Mbuyoti ya
 Pentekota,
 Ba kolobelizwe ka Libizo la Jesu;
 Mi basweli kukanda cwale, fakaufi ni kwahule,
 (Makozwana kaufela ni manganaandila.)
 Mata a hae aswana ni kacenu,
 Ni tabile hahulu kuli Ni kona kubulela kuli Ni
 alimuñwi wa bona.

235 Oh, ha mu i opele, keleke!

. . . bona, alimuñwi wa bona,
 Ni tabile hahulu kuli Ni kona kubulela kuli Ni
 alimuñwi wa bona;
 Oh, alimuñwi wa bona, alimuñwi wa bona,
 Ni tabile hahulu kuli Ni kona kubulela kuli ni
 alimuñwi. . .

236 Nga kataulo ka hao cwale.

Alimuñwi wa bona, alimuñwi wa bona,
 Ni tabile hahulu kuli Ni kona kubulela kuli Ni
 alimuñwi wa bona;
 Oh, alimuñwi wa bona, alimuñwi wa bona,
 Mi Ni tabile hahulu kuli Ni kona kubulela kuli
 Ni alimuñwi wa bona.

237 Kulumbwe Mulena! Amen! Lu swana fela sina bana. Hakuna
 za sihalihali ka luna. Mulimu haana sibupeho. Kana ku cwalo?
 Eeni, sha!

Ni alimuñwi wa bona, alimuñwi wa bona,
 Ni tabile hahulu kuli Ni kona kubulela kuli Ni
 alimuñwi wa bona;
 Ni alimuñwi wa bona, alimuñwi wa bona,
 Oh, Ni tabile hahulu kuli Ni kona kubulela kuli
 Ni alimuñwi wa . . .

238 Kana mutabezi luli mwakona kubulela cwalo? Mu nanule
 fela lizoho la mina, muli, “Kulumbwe Mulena!” [Kopano ili,
 “Kulumbwe Mulena!”—Mu.] “Kulumbwe Mulena!” Ni tabile
 kuli Ni alimuñwi wa bona! Ni tabile kuba cwalo.

239 Mulena Mulimu, Ni tabile hahulu. “Alimuñwi wa bona,
 alimuñwi wa bona, Ni tabile hahulu kuli Ni kona kubulela kuli
 Ni alimuñwi wa bona.” O Mulimu, lu tuse kuli lube cwalo. Lu
 tuse kuli lu buluke Maseli inza benya, Mulena, halunze luya kwa
 Sione. Lumeleza cwalo, Ndate. Ka Libizo la Jesu, lufa bupilo
 bwa luna ku Wena kwa sebelezo. Amen. Amen.

Oh, luya kwa Sione,
 Oh, bunde, kwa bunde Sione;
 Lu zamaya kuya kwa Sione,
 Ona Munzi omunde wa Mulimu.

Mutahe, luna babalata Mulena,
 Mi tabo ya luna izibahale,
 Mukene mwa pina ka buñwi hamunati,
 Mukene mwa pina ka buñwi hamunati,
 Mi lupotolohe Lubona
 Mi . . .

Oh, kuopelela fela mwa Moya!

. . .ki Lubona.

Oh, luya kwa Sione,
 Ona bunde, kwa bunde Sione;
 Lu zamaya kuya kwa Sione,
 Ona Munzi omunde wa Mulimu.

Oh, luya kwa Sione,
 Bunde, kwa bunde Sione;
 Lu zamaya kuya kwa Sione,
 Ona Munzi omunde wa Mulimu.

Ba ba hana ku opela
 Haba zibi Mulimu wa luna;
 Kono bana ba Mulena wa Lihalimu,
 Kono bana ba Mulena wa Lihalimu,
 Ba bulele tabo ya bona kwahule,
 Ba bulele tabo ya bona kwahule.

²⁴⁰ Halu i opeleni!

Lu ya kwa Sione,
 Oh, bunde, kwa bunde Sione;
 Lu zamaya kuya kwa Sione,
 Ona Munzi omunde wa Mulimu.

²⁴¹ Oh, kana seo ha si mi kubuli? Kikuli ha mu lati lipina za kale zeo? Ni—Ni tabela kuba ni zona kaufela kufita zemukona. . . kamba lipina za mifuta yeñwi zemukona kuba ni zona zee. Zani ki zende, lipina za kale ze utwahalela mwa lipilu. Oh, mawi! Ni ikutwa hande ni kutaba ha Ni li opela, kizende fela! Mawi, ni iutwa fela sina ku nyakalala!

Unge Libizo la Jesu,
 Mwana wa manyando ni bumai;
 Li ka kufa tabo ni nyakalalo,
 Oh, u Li lwale, kai ni kai ko uya.

Libizo Lelinde, (Libizo Lelinde!) O kwa munati! (O kwa munati!)
 Sepo ya lifasi ni tabo ya Lihalimu;
 Libizo Lelinde, O kwa munati!
 Sepo ya lifasi ni tabo ya Lihalimu.

²⁴² Halunze lu inamisa litoho za luna cwale:

Ka Libizo la Jesu lwa kubama,
Luwa ka mañwele kwa mautu a Hae,
Mulena wa malena mwa Lihalimu lu ka Mu
apesa mushukwe,
Fo musipili wa luna ufela.
Yomunde... (Ubata ku lukulula?)... O kwa
munati!
Sepo ya lifasi ni...



MULIMU HABIZEZI MUTU KWA KATULO
KUSINA KU MU LEMUSA PILI LOZ63-0724

(God Doesn't Call Man To Judgment Without First Warning Him)

Liñusa le ka Muzwale William Marrion Branham, neli kotalizwe lwa pili mwa Sikuwa la Bulalu manzibwana, Sikulu 24, 1963, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org